

四庫全書薈要

• 乾隆御覽本

史部

欽定四庫全書薈要

史部

資治通鑑卷二百

八十九
九十九

詳校官編修臣汪鏞



資治通鑑卷二百八十九 宋 司馬光 撰

胡三省 音註

後漢紀四

上章閼茂一年

隱皇帝下

乾祐三年春正月丁未加鳳翔節度使趙暉兼侍

中 密州刺史王萬敢請益兵以攻唐

王萬敢去年已殘荻

水鎮今請益兵攻之 詔以前沂州刺史郭瓊為東路行營都

部署帥禁軍及齊州兵赴之

因王萬敢請兵使郭瓊將以赴之道過青

州因以易置劉銖帥讀曰率

郭威請勒兵北臨契丹之境詔

止之 丙寅遣使詣河中鳳翔收瘞戰死及餓殍

遺骸時有僧已聚二十萬矣

瘞于計翻殍被表翻已聚者二十萬史言

其未聚者尚多大兵攻圍積久其禍如此

唐主聞漢兵盡平三叛始

罷李金全北面行營招討使

唐命李金全見二百八十七卷元年

唐清淮節度使劉彥貞多斂民財以賂權貴權貴

爭譽之在壽州積年

譽音余晉開運元年唐徙劉彥貞鎮濠州劉崇俊鎮壽州漢乾

祐元年清淮節度使劉彥貞副李金全北伐未知彥貞以何年徙鎮壽州恐被代欲以警急

自固妄奏稱漢兵將大舉南伐

被皮義翻

二月唐主以東都

留守燕王弘冀為潤宣二州大都督鎮潤州寧國節度

使周宗為東都留守

以漢兵大舉弘冀年少恐不能調用扞禦周宗為唐祖佐命宿望也

故徙鎮

朝廷欲移易藩鎮因其請赴嘉慶節上壽

五代

揚州

會要帝以三月九日為嘉慶節洪邁隨筆曰唐穆宗即位之初年詔曰七月六日是朕載誕之辰其日百寮命婦宜於光順門進名參賀朕於門內與百寮相見明日又勅受賀儀宜停先是左丞韋綬奏行之宰臣以為古無降誕受賀之禮奏罷之然次年復行賀禮誕節之制始于明皇令天下宴集休假三日受賀之事蓋自長慶

至今用之也
上時掌翻許之

甲申郭威行北邊還

去年冬十月郭威北征今

還行下孟翻還從宣翻又如字

福州人或詣建州告唐永安留後查

文徽云吳越兵已弃城去請文徽為帥

查鉏加翻帥所類翻

文徽

信之遣劍州刺史陳誨將水軍下閩江

薛史曰李景保大三年以延平

為劍州折建州之劍浦汀州之沙縣隸焉劍溪上接建溪下達福唐亦謂之閩江下戶嫁翻將即亮翻

文

徽自以步騎繼之會大雨水漲誨一夕行七百里至城

下敗福州兵

敗補邁翻

執其將馬先進等庚寅文徽至福州

吳越知威武軍吳程詐遣數百人出迎

吳越未命吳程為威武節度使

先令知威 誨曰閩人多詐未可信也宜立寨徐圖文徽
武軍事

曰疑則變生不若乘機據其城因引兵徑進誨整衆鳴

鼓止於江湄

湄旻悲翻水草之交曰湄詩巧言居河之康註云本作湄水草交也

文徽不

為備程勒兵出擊之唐兵大敗文徽墜馬為福人所執

士卒死者萬人誨全軍歸劔州程送文徽於錢唐吳越

王弘俶獻於五廟而釋之

俶昌六翻吳越用諸侯之制立五廟

丁亥汝

州奏防禦使劉審交卒吏民詣闕上書以審交有仁政

乞留葬汝州得奉事其立壟詔許之

上時掌翻

州人相與聚

哭而葬之為立祠歲時享之

偽于

太師馮道曰吾嘗為

劉君僚佐

按歐史劉審交燕人劉守光之僭號以審交為兵部尚書馮道事守光為參軍嘗為僚佐

必是時也

觀其為政無以踰人非能減其租稅除其繇役也

縣讀曰徭

但推公廉慈愛之心以行之耳此亦衆人所能為

但它人不為而劉君獨為之故汝人愛之如此使天下

二千石皆效其所為何患得民不如劉君哉

五代之諸州防禦使

曾未足以當漢郡守二千石後人特以專城分守故稱之

甲午吳越丞相昭化節

度使同平章事杜建徽卒

乙未以前永興節度使趙

匡贊為左驍衛上將軍

趙匡贊自長安入朝見二百八十七卷高祖乾祐元年

三月丙午嘉慶節鄴都留守高行周天平節度使慕容彥超泰寧節度使符彥卿昭義節度使常思安遠節度使楊信安國節度使薛懷讓成德節度使武行德彰德節度使郭謹保大留後王饒皆入朝

許之赴嘉慶節上壽故皆入朝

甲寅詔營寢廟於高祖長陵世祖原陵以時致祭有司以費多寢其事以至國亡二陵竟不霑一奠

是年十一月郭威入

大梁十二月將士扶立以時致祭之詔有司既停寢不行六七月之間宜乎不霑一奠也

壬戌徙

高行周為天平節度使符彥卿為平盧節度使甲子徙

慕容彥超為泰寧節度使 永安節度使折從阮舉族

入朝

折從阮自府州入朝

夏四月戊辰朔徙薛懷讓為匡國節

度使庚午徙折從阮為武勝節度使

按五代會要周廣順二年三月始改

鄧州威勝軍為武勝軍避周太祖名也史以後來所改軍名而書之耳

壬申徙楊信為保

大節度使徙鎮國節度使劉詞為安國節度使永清節

度使王令溫為安遠節度使李守貞之亂王饒潛與之

通

王饒潛以鄜州與河中通

守貞平衆謂饒必居散地

兄散之官為散地散悉但

翻及入朝厚結史弘肇遷護國節度使聞者駭之駭其不惟

免罪又得大鎮

楊邠求解樞密使帝遣中使諭止之宣徽北

院使吳虔裕在旁曰

吳虔裕時蓋在楊邠旁

樞密重地難以久居

當使後來者迭為之相公辭之是也帝聞之不悅辛巳

以虔裕為鄭州防禦使朝廷以契丹近入寇橫行河

北諸藩鎮各自守無捍禦之者

事見上卷上年十月

議以郭威鎮

鄴都使督諸將以備契丹史弘肇欲威仍領樞密使蘇

逢吉以為故事無之

言故事無帶樞密使出鎮者

弘肇曰領樞密使

則可以便宜從事諸軍畏服號令行矣帝卒從弘肇議

卒子恤翻

弘肇怨逢吉異議逢吉曰以內制外順也今反以

外制內其可乎壬午制以威為鄴都留守天雄節度使

樞密使如故仍詔河圻兵甲錢穀但見郭威文書立皆

稟應明日朝貴會飲於竇貞固之第弘肇舉大觴屬威

屬之欲翻

屬聲曰昨日廷議一何同異今日為弟飲之

史弘肇呼

郭威為弟為于偽翻

逢吉楊邠亦舉觴曰是國家之事何足介意

弘肇又屬聲曰安定國家在長槍大劔安用毛錐王章

曰無毛錐則財賦何從可出

毛錐謂筆也。以束毛為筆，其形如錐也。王章為三司

使實掌財賦，故云然。

自是將相始有隙

癸未罷永安軍

復以府州隸河

也。東壬辰以左監門衛將軍郭榮為貴州刺史，天雄牙

內都指揮使

貴州時屬南漢。宋白曰：貴州故西甌駱越之地。秦雖立桂林郡，仍有甌駱之名。漢武

帝改桂林為鬱林郡。梁武帝以鬱林郡為桂州。後割桂州之鬱林、寧浦立定州，尋改為南定州。隋改南定州為

尹州。唐改貴州。漢以郭榮遙領刺史，而其職則天雄牙將也。

榮本姓柴

考異曰：世宗實錄曰：太

祖皇帝之長子也。母曰聖穆皇后。柴氏以唐天祐十八年九月二十四日丙午生於邢臺之別墅。薛史：世宗紀云：太祖之養子蓋聖穆皇后之姪也。本姓柴氏。父守禮太子少保致仕。帝未童冠，因侍聖穆皇后在太祖左右。

時太祖無子乃養為己子按今舉世皆知世宗為柴氏子謂之柴世宗而世宗實錄云太祖長子誣亦甚矣

父守禮郭威之妻兄也威未有子時養以為子

郭榮始見於此

五月己亥以府州蕃漢馬步都指揮使折德扆為本

州團練使

前此置永安軍於府州以寵折從阮也今從阮移鎮其子德扆守府州資序未至而府州

被邊一城之地耳故降為團練使其後復以為節鎮以寵折氏

德扆從阮之子也

庚

子郭威辭行言於帝曰太后從先帝久多歷天下事陛

下富於春秋有事宜稟其教而行之親近忠直放遠讒

邪

近其新翻遠于願翻

善惡之間所宜明審蘇逢吉楊邠史弘肇

皆先帝舊臣盡忠徇國願陛下推心任之必無敗矣

郭威

言及此蓋已知帝之信近習而間熟舊也

至於疆場之事臣願竭其愚駑

音駑

奴

庶不負驅策帝歛容謝之威至鄴都以河北困弊戒

邊將謹守疆場嚴守備無得出侵掠契丹入寇則堅壁

清野以待之

兵法所謂先為不可勝以待敵之可勝也

辛丑敕防禦團練

使自非軍期無得專奏事皆先申觀察使斟酌以聞

言軍

期事須朝廷應副則不及聞於廉使許得專達朝廷如尋常公事須先申本管斟酌以聞

丙午以

皇弟山南西道節度使承勲為開封尹加兼中書令實

未出閣

年尚幼且有羸疾也
山南西道時為蜀境

平盧節度使劉銖貪虐

恣橫

橫戶
孟翻

朝廷欲徵之恐其拒命因沂密用兵於唐遣

沂州刺史郭瓊將兵屯青州

歐史作郭淮攻南
唐還以兵屯青州

銖不自

安置酒召瓊伏兵幕下欲害之瓊知其謀悉屏左右從

容如會了無懼色

屏必郢翻又卑
正翻從千容翻

銖不敢發瓊因諭以

禍福銖感服詔至即行庚戌銖入朝辛亥以瓊為潁州

團練使

癸丑王章置酒會諸朝貴酒酣為手勢令

會飲

而行酒令以佐歡唐末之俗也類說曰亞其虎膺謂手
掌曲其松根謂指節以蹲鴟間虎膺之下蹲鴟大指也

以鉤戟差玉柱之旁鉤戟頭指玉柱中指也潜虬闔玉柱三分潜虬無名指也奇兵濶潜虬一寸奇兵小指也死其三洛謂揮其腕也生其五峯五峯通呼五指也謂之招手令益亦手勢令之類也乎哉

史弘肇

不閑其事

言不素習其事

客省使閻晉卿坐次弘肇屢教之蘇

逢吉戲之曰旁有姓閻人何憂罰爵

壺射之事不勝者罰爵自古有之行

令則末世之為耳

弘肇妻閻氏本酒家倡也

倡音昌酒家倡善為酒令

意逢

吉譏之大怒以醜語詬逢吉

詬古侯翻又許侯翻

逢吉不應弘肇

欲毆之逢吉起去弘肇索劍欲追之

毆烏口翻索山客翻

楊邠泣

止之曰蘇公宰相公若殺之置天子何地願孰思之

孰與

熟弘肇即上馬去邠與之聯鑣送至其第而還

上時掌鑣悲

驕翻馬銜也還從宣翻又如字

於是將相如水火矣帝使宣徽使王峻

置酒和解之不能得逢吉欲求出鎮以避之既而中止

曰吾去朝廷止煩史公一處分吾糒粉矣王章亦忽忽

不樂

處昌呂翻分扶問翻壺戕西翻樂音洛

欲求外官楊史固止之

閏

月宮中數有怪癸巳大風發屋拔木吹鄭門扉起十餘

步而落震死者六七人水深平地尺餘

數所角翻鄭門大梁城西面南

來第一門也梁改為開明門晉改為金義門周改為迎秋門汴人只以舊門名呼之深式禁翻

帝召司

天監趙延又問以禳祈之術對曰臣之業在天文時日

禳祈非所習也然王者欲弭災異莫如脩德延又歸帝

遣中使問如何為修德延又對請讀貞觀政要而灋之

觀古

玩翻

六月河決鄭州

歐史曰六月癸卯河決原武按原武縣屬鄭州九域志云原武

縣在鄭州之

北六十里

馬希萼既敗歸

僕射洲之敗也事見上卷上年八月

乃以

書誘辰潁州及梅山蠻

誘音酉潁音敎宋白曰潭州西有梅山洞為草寇之窟穴

欲

與共擊湖南蠻素聞長沙帑藏之富

帑它朗翻藏徂浪翻

大喜爭

出兵赴之遂攻益陽

益陽縣屬潭州漢古縣城在唐縣東八十里九域志益陽在潭州西

北一百八十二里宋白曰以其地在益水之陽故名其城魯肅所築

楚王希廣遣指揮使

陳璠拒之戰於淹溪璠敗死

璠音翻

秋七月唐歸馬先

進等於吳越以易查文徽

馬先進等被擒見上二月查文徽亦以是月為吳越所禽

馬希萼又遣羣蠻攻廸田八月戊戌破之殺其鎮將張

延嗣楚王希廣遣指揮使黃處超救之處超敗死

處昌呂翻

潭人震恐復遣牙內指揮使崔洪璉將兵七千屯玉潭

九域志潭州湘鄉縣有玉潭鎮在潭州西復扶又翻

庚子蜀主立其弟仁毅為

夔王仁贇為雅王仁裕為彭王仁操為嘉王已酉立子

玄喆為秦王

喆音哲

玄珽為褒王

晉李太后在建州

契丹

遷晉主及其家于建州見上卷上年三月

卧病無醫藥惟與晉主仰天號泣

號戶

戟手罵杜重威李守貞曰吾死不置汝

以其降契丹而亡晉

也事見二百八十六卷開運二年

戊午卒周顯德中有自契丹來者云

晉主及馮后尚無恙其從者亡歸及物故則過半矣

余恙

亮翻從才用

翻過音戈

馬希萼表請別置進奏務於京師九月

辛巳詔以湖南已有進奏務不許亦賜楚王希廣詔勸以敦睦馬希萼以朝廷意佑楚王希廣怒遣使稱藩

於唐乞師攻楚唐加希萼同平章事以鄂州今年租稅
賜之命楚州刺史何敬洙將兵助希萼冬十月丙午希
廣遣使上表告急言荆南嶺南江南連謀欲分湖南之

地

荆南高氏嶺南
劉氏江南李氏

乞發兵屯澧州以扼江南荆南援朗

州之路

江南遣兵援朗道出岳州岳州西至澧州三百
餘里荆南遣兵援朗徑度江南趨澧州亦三百

里自澧州東南至朗
州三百五十九里

丁未以吳越王弘俶為諸道兵

馬元帥

楚王希廣以朗州與山蠻入寇諸將屢敗憂

形於色劉彥瑫言於希廣曰朗州兵不滿萬馬不滿千

都府精兵十萬

朗桂以潭州為都府

何憂不勝願假臣兵萬餘人

戰艦百五十艘

經戶點翻艘蘇連翻

徑入朗州縛取希萼以解大

王之憂王悅以彥瑫為戰棹都指揮使朗州行營都統

彥瑫入朗州境

九域志潭州北至朗州界二百一十七里

父老爭以牛酒犒

軍曰百姓不願從亂望都府之兵久矣彥瑫厚賞之戰

艦過則運竹木以斷其後

斷音短

是日馬希萼遣朗兵及

蠻兵六千戰艦百艘逆戰於湄州

歐史作湄洲

彥瑫乘風縱

火以焚其艦頃之風回反自焚彥瑫還走江路已斷

自斷

歸路則當死士卒戰及溺死者數千人

考異曰湖湘故事彦瑫敗在

九月十三日今從十國紀年

希廣聞之涕泣不知所為希廣平日罕

頒賜至是大出金帛以取悅於士卒或告天策左司馬

希崇流言惑衆反狀已明請殺之希廣曰吾自害其弟

何以見先王於地下

希崇與希萼通謀者也當斷不斷反受其亂希廣之亡宜矣

馬

軍指揮使張暉將兵自它道擊朗州至龍陽

龍陽縣屬朗州隋所

置也取龍陽州以名縣九域志在朗州東南八十五里宗白曰龍陽故漢索縣地吳分其地立龍陽縣

聞

彥瑫敗退屯益陽希萼又遣指揮使朱進忠等將兵三

千急攻益陽張暉給其衆曰我以麾下出賊後汝輩留
城中待我相與合勢擊之既出遂自竹頭市遁歸長沙
朗兵知城中無主急擊之士卒九千餘人皆死 吳越
王弘俶歸查文徽於唐文徽得瘡疾以工部尚書致仕
史言唐不能正查文徽
敗軍之罪瘡於今翻
十一月甲子朔日有食之

蜀太師中書令宋忠武王趙廷隱卒 楚王希廣遣其

僚屬孟駢說馬希萼曰公忘父兄之讐北面事唐

自馬殷以

來與楊徐世為仇讐說式芮翻

何異袁譚求救於曹公邪

事見六十四卷漢獻帝建

安八年

希萼將斬之駢曰古者兵交使在其間

春秋左氏傳之言使

疏吏

駢若愛死安肯此來駢之言非私於潭人實為公

謀也

偽為于

乃釋之使還報曰大義絕矣非地下不相見

也朱進忠請希萼自將兵取潭州辛未希萼留其子光

賛守朗州悉發境內之兵趣長沙

趣七喻翻

考異曰湖湘故事希萼以十

月二十一日直往湖南今從十國紀年

自稱順天王

詔侍衛步軍都指

揮使寧江節度使王殷將兵屯澶州以備契丹

侍衛親軍都指

揮使之下又有侍衛馬軍步軍二都指揮此皆梁唐所置寧江軍夔州時屬蜀王殷遙領也

殷瀛州

人也 朝廷議發兵以安遠節度使王令溫為都部署

以救潭州會內難作不果

內難謂殺楊邠等以召郭威之禍難乃旦翻

帝

自即位以來樞密使右僕射同平章事楊邠總機政樞

密使兼侍中郭威主征伐歸德節度使侍衛親軍都指

揮使兼中書令史弘肇典宿衛三司使同平章事王章

掌財賦邠頗公忠退朝門無私謁雖不却四方饋遺有

餘輒獻之

遺唯李翻

弘肇督察京城道不拾遺是時承契丹

蕩覆之餘

契丹入汴中原蕩覆契丹北歸漢承其後

公私困竭章拮據遺利

各於出納以實府庫屬三叛連衡

据居運翻撫之石翻屬之欲翻三叛謂李

守貞王景崇趙思綰衡讀曰橫

宿兵累年而供饋不乏及事平賜予之

外尚有餘積

予讀曰與積子賜翻

以是國家粗安

粗坐五翻

章聚斂刺

急

斂力賸翻

舊制田稅每斛更輸二升謂之雀鼠耗章始令

更輸二斗謂之省耗

按唐明宗天成年四月赦文應納夏秋稅子先有省耗每斗一升

今後祇納正稅數不量省耗如此則天成已前已有省耗每斛更輸一斗天成罷輸之後至漢興王章復令輸

省耗而又倍舊數取之也

舊錢出入皆以八十為陌章始令入者八

十出者七十七謂之省陌

沈括曰今之數錢百錢謂之陌者借陌字用之其實只是

百字如什與伍耳唐自皇甫鏐為
鑄錢法至昭宗時乃定八十為陌
有犯鹽礬酒麴之禁

者錙銖涓滴罪皆死

鹽禁之設久矣酒之為禁或罷或
榷歷代不常自唐中世始申榷酒

之禁及其末也又禁造麴至於礬禁新舊唐書食貨志
皆未著言其事是必起於五代之初本草圖經曰礬石
生河西山谷及隴西武都石門今白礬則晉州慈州拱
州無為軍綠礬則隰州溫泉縣池州銅陵縣並煎礬處
處出焉初生皆石也採得碎之煎煉乃成礬凡有五種
其色各異謂白礬綠礬黃礬黑礬絳礬也自岐伯至陶
隱居之書由是百姓愁怨章尤不喜文臣嘗曰此輩授
皆言之

之握筭不知縱橫

喜許記翻
縱子容翻

何益於用俸祿皆以不堪

資軍者給之吏已高其估章更增之

估價

帝左右嬖倖

浸用事

嬖卑義翻
又博計翻

太后親戚亦干預朝政

朝直遙翻

邠等屢

裁抑之太后有故人子求補軍職弘肇怒而斬之武德

使李業太后之弟也

太后昆弟七人業最幼故尤憐之

高祖使掌內帑

帑底朗翻

帝即位尤蒙寵任會宣徽使闕業意欲之

吳虔裕出鄭州

闕宣徽北院使

帝及太后亦諷執政邠弘肇以為內使遷補有

次不可以外戚超居乃止內客省使閻晉卿次當為宣

徽使久而不補樞密承旨聶文進飛龍使後匡贊翰林

茶酒使郭允明皆有寵於帝久不遷官共怨執政

姓譜後姓

望出東海開封

文進并州人也劉銖罷青州歸久奉朝請未除

官常戟手於執政

是年夏五月劉銖自青州召歸戟手者戟其手而詬怨之

帝初除

三年喪聽樂賜伶人錦袍玉帶伶人詣弘肇謝弘肇怒

曰士卒守邊苦戰猶未有以賜之汝曹何功而得此皆

奪以還官帝欲立所幸耿夫人為后邠以為太速夫人

卒帝欲以后禮葬之邠復以為不可

復扶又翻

帝年益壯厭

為大臣所制邠弘肇嘗議事於帝前帝曰審圖之勿令

人有言邠曰陛下但禁聲

禁聲謂禁口勿言使不出聲也

有臣等在帝

積不能平左右因乘間譖之於帝

間古覓翻

云邠等專恣終

當為亂帝信之嘗夜聞作坊鍛聲

作坊造兵甲之所作坊使領之鍛都玩翻

鍛鐵以為兵甲

疑有急兵達旦不寐司空同平章事蘇逢吉既

與弘肇有隙知李業等怨弘肇屢以言激之帝遂與業

文進匡贊允明謀誅邠等議既定入白太后太后曰茲

事何可輕發更宜與宰相議之業時在旁曰先帝嘗言

朝廷大事不可謀及書生懦怯誤人太后復以為言

史言

殺邠等非太后之意復扶又翻

帝忿曰國家之事非閨門所知拂衣而

出乙亥業等以其謀告閻晉卿晉卿恐事不成詣弘肇

第欲告之弘肇以它故辭不見

使閻晉卿得見史弘肇則李業等之死不待郭

威之入也天方授郭威故史弘肇等先死以除其偏豈特人事哉

丙子旦邠等入朝有

甲士數十自廣政殿出殺邠弘肇章於東廡下

廡岡甫翻按薛

史晉天福四年二月辛卯改東京玉華殿為永福殿周顯德四年新修永福殿改為廣政殿此蓋以後來殿名
書之文進亟召宰相朝臣班于崇光殿宣云邠等謀反已

伏誅與卿等同慶又召諸軍將校至萬歲殿庭

五代會要梁開

平元年改汴京正衙殿為崇元殿東殿為玄德殿萬歲堂為萬歲殿晉天福二年八月改玄德殿為廣政殿將

即亮翻校
戶教翻

帝親諭之且曰邠等以穉子視朕朕今始得

為汝主汝輩免橫憂矣皆拜謝而退

穉直利翻
橫戶孟翻

又召前

節度使刺史等升殿諭之分遣使者帥騎收捕邠等親

戚黨與僂從盡殺之

帥讀曰率騎奇奇翻
僂苦念翻從才用翻

弘肇待侍衛

步軍都指揮使王殷尤厚邠等死帝遣供奉官孟業齎

密詔詣澶州及鄴都令鎮寧節度使李洪義殺殷又令

鄴都行營馬軍都指揮使郭崇威步軍都指揮使真定

曹威殺郭威及監軍宣徽使王峻洪義太后之弟也又

急詔徵天平節度使高行周平盧節度使符彥卿永興

節度使郭從義泰寧節度使慕容彥超匡國節度使薛

懷讓鄭州防禦使吳虔裕陳州刺史李穀入朝

急徵諸帥欲其

以從兵衛宮闕李穀一刺史耳而亦預徵入朝之數必其智略聞於時也

以蘇逢吉權知樞

密院事前平盧節度使劉銖權知開封府侍衛馬軍都

指揮使李洪建權判侍衛司事內侍省使閭晉卿權侍

衛馬軍都指揮使

內侍省當作內客省

洪建業之兄也時中外人

情憂駭

駭其變起於倉猝而憂禍至之無日也

蘇逢吉雖惡弘肇

以弘肇詬怒逢

吉欲殺之故惡而不預李業等謀聞變驚愕私謂人曰

之也惡烏路翻

事太忽忽

忽忽急遽不審諦之意

主上儻以一言見問不至於此

業等命劉銖誅郭威王峻之家銖極其慘毒嬰孺無免

者

嬰嬰兒鄭玄曰嬰猶驚彌也孺乳子飲乳之子也

命李洪建誅王殷之家洪

建但使人守視仍飲食之

飲於禁翻食祥吏翻

丁丑使者至澶州

李洪義畏懦慮王殷已知其事不敢發乃引孟業見殷

殷囚業遣副使陳光穗以密詔示郭威威召樞密吏魏

仁浦示以詔書曰奈何仁浦曰公國之大臣功名素著

加之握彊兵據重鎮一旦為羣小所構禍出非意此非

辭說之所能解

解佳買翻釋也說也

時事如此不可坐而待之

勸之

舉兵也歐史曰威匿詔書召樞密院吏魏仁浦謀於卧內仁浦勸威反倒用留守印更為詔書詔威誅諸將校以激怒之將校皆憤然效用竊意歐史必有所本通鑑所書必本於周史周臣為其君諱復為魏仁浦緣飾耳

威乃召郭崇威曹威及諸將告以楊邠等冤死及有密詔之狀且曰吾與諸公披荊棘從先帝取天下受託孤之任竭力以衛國家今諸公已死吾何心獨生君輩當奉行詔書取吾首以報天子庶不相累

累力瑞翻

郭崇威等

皆泣曰天子幼冲此必左右羣小所為若使此輩得志
國家其得安乎崇威願從公入朝自訴盪滌鼠輩以清
朝廷不可為單使所殺受千載惡名翰林天文趙修已
謂郭威曰公徒死何益不若順衆心擁兵而南此天啟

也趙修已諫李守貞而勸郭威自信其術也郭威乃留其養子榮鎮鄴都命

郭崇威將騎兵前驅戊寅自將大軍繼之將即亮翻慕容彥

超方食得詔捨七筋入朝帝悉以軍事委之九域志兗州至大梁

六百里慕容彥超三日而至自以於先帝同產之親急於赴闕而不知其才智之不足以濟也已卯吳

虔裕入朝

九域志鄭州至大梁一百四十里

帝聞郭威舉兵南向議發

兵拒之前開封尹侯益曰鄴都戍兵家屬皆在京師官

軍不可輕出不若閉城以挫其鋒使其母妻登城招之

可不戰而下也慕容彥超曰侯益衰老為懦夫計耳帝

乃遣益及閭晉卿吳虔裕前保大節度使張彥超將禁

軍趣澶州

趣上喻翻

是日郭威已至澶州

魏州南至澶州一百五十里兩日而

至欲掩漢之未備

李洪義納之王殷迎謁慟哭以所部兵從郭

威涉河帝遣內養驚脫覘郭威威獲之

驚力鍾翻又盧紅翻歐史作驚

亦音龍 考異曰隱帝實錄丁丑孟業至澶州戊寅鄴兵至河上己卯吳虔裕入朝庚辰詔侯益等赴澶州守捉鄴軍獲驚脫又云庚辰郭諱次滑州宋延渥納軍卒已驚脫還宮薛史隱帝紀丁丑李洪義得密詔遣陳光總至鄴都翌日郭威以衆南行戊寅至澶州庚辰至滑州是日詔侯益等赴澶州守捉餘與實錄同周太祖實錄十四日陳光穗至翌日遵路明日遇驚脫云見召侯益等令守澶州十六日趣滑臺十七日賞諸軍令奉行前詔十八日自滑而南薛史周太祖紀十六日至澶州獲驚脫十七日至滑州餘與實錄同按丁丑十四日也若十七日始詔侯益赴澶州則十六日郭威獲驚脫何故已見之也蓋帝遣侯益赴澶州必在十六日驚脫行在遣益之後今從薛史周太祖紀

以表置驚脫衣領中使歸白帝曰臣

昨得詔書延頸俟死郭崇威等不忍殺臣云此皆陛下

左右貪權無厭者譖臣耳

厭於
鹽翻

逼臣南行詣闕請罪臣

求死不獲力不能制臣數日當至闕庭陛下若以臣為
有罪安敢逃刑若實有譖臣者願執付軍前以快衆心

臣敢不撫諭諸軍退歸鄴都庚辰郭威趣滑州

澶州西
南至滑

州一百餘里
趣七喻翻

辛巳義成節度使宋延渥迎降

考異曰
隱帝實錄

十一月丙子誅楊史丁丑孟業至澶州王殷錮業送郭
威即日首塗戊寅至河上見王殷庚辰次滑州周太祖
實錄云十三日夜太祖夢入朝見至詰旦以夢示峻是
日陳洪穗至鄴都是十四日丁丑也翌日為衆所迫遵
路十五日戊寅也明日行次遇驚脫欲住澶州十六日
已卯也下文又云十六日起滑臺按大梁至澶州二百

七十里澧州至鄴都一百四十里至滑州百二十里不應往還如是之速漢周實錄首塗與至滑州日不同蓋十六日趣滑州十七日至滑州也今從周太祖實錄

延渥洛陽人其妻晉高祖女

永寧公主也郭威取滑州庫物以勞將士

勞力到翻

且諭之

曰聞侯令公已督諸軍自南來

侯益兼中書令故稱之為令公

今遇之

交戰則非入朝之義不戰則為其所屠吾欲全汝曹功

名不若奉行前詔吾死不恨

郭威以此觀衆心向背耳

皆曰國家負

公公不負國所以萬人爭奮如報私讐侯益輩何能為乎王峻徇於衆曰我得公處分俟克京城聽旬日剽掠

衆皆踊躍

處昌呂翻分扶問翻剽匹妙翻許士卒以剽掠之利以濟其私可以得而不可長守也

辛巳驚脫至大梁前此帝議欲自往澶州聞郭威已

至河上而止帝甚有悔懼之色私謂竇貞固曰屬者亦

太草草

屬之欲翻屬者猶言頃者也草草亦言率爾欠審諦商量之意

李業等請空府

庫以賜諸軍蘇禹珪以為未可業拜禹珪於帝前曰相

公且為天子勿惜府庫

為於偽翻下當為同

乃賜禁軍人二十緡

下軍半之將士在北者給其家使通家信以誘之

誘音酉

壬午郭威軍至封丘人情恐懼太后泣曰不用李濤之

言宜其亡也

李濟之言見上卷元年

慕容彥超恃其驍勇言於帝

曰臣視北軍猶蟻蠓耳

爾雅註蟻蠓翳蒙之所生一名醯雞孫炎曰此蟲微細羣飛列

子曰蟻蠓生朽壤之上因雨而生覩陽而死莊子謂之醯雞蟻莫結翹蠓莫孔翹

當為陛下生

致其魁

偽為于翹

退見聶文進問北來兵數及將校姓名頗

懼曰是亦劇賊未易輕也

將即亮翹校戶教翹易以政翹

帝復遣左神

武統軍袁義前威勝節度使劉重進等帥禁軍與侯益

等會屯赤岡義象先之子也

復扶又翹義宜崎翹帥讀曰率袁象先梁將也事見

梁紀彥超以大軍屯七里店癸未南北軍遇於劉子陂

劉子

陂在封丘之南汴郊之北

帝欲自出勞軍

勞力到翻

太后曰郭威吾家故

舊非死亡切身何以至此但按兵守城飛詔諭之觀其

志趣必有辭理則君臣之禮尚全慎勿輕出帝不從

帝使

從太后之言雖不能保其往猶未至於野死也

時扈從軍甚盛

從才用翻下從官同

太后

遣使戒聶文進曰大須在意對曰有臣在雖郭威百人

可擒也至暮兩軍不戰帝還宮慕容彥超大言曰陛下

來日宮中無事幸再出觀臣破賊臣不必與之戰但叱

散使歸營耳甲申帝欲再出太后力止之不可既陳

陳請

曰郭威戒其衆曰吾來誅羣小非敢敵天子也慎勿先

動久之慕容彥超引輕騎直前奮擊郭宗威與前博州

刺史李榮帥騎兵拒之

騎奇寄翻
帥讀曰率

彥超馬倒幾獲之

幾居

依翻彥超引兵退麾下死者百餘人於是諸軍奪氣稍稍

降於北軍侯益吳虔裕張彥超袁義劉重進皆潛往見

郭威威各遣還營又謂宋延渥曰天子方危公近親宜

以牙兵往衛乘輿且附奏陛下願乘間早幸臣營

宋延渥主

堵故云近親牙兵謂延渥所領義成牙兵也衛乘繩證翻間古覓翻

延渥未至御營亂兵

雲擾不敢進而還

還從宣翻
又如字

比暮南軍多歸於北

比必
利翻

也及慕容彥超與麾下十餘騎奔還兗州是夕帝獨與三

相及從官數十人宿於七里寨餘皆逃潰

三相竇貞固
蘇逢吉禹珪

七里寨即慕容彥
超所屯七里店寨

乙酉旦郭威望見天子旌旗在高阪

上下馬免胄往從之至則帝已去矣帝策馬將還宮至

玄化門

玄化門大梁城北面東來第一門也本酸棗門
梁開平元年改曰興和門晉天福三年改曰玄

化門劉銖在門上問帝左右兵馬何在因射左右

劉銖之
射左右

其意何為
射而亦翻

帝回轡西北至趙村追兵已至帝下馬入民

家為亂兵所弑

考異曰實錄帝至玄化門劉銖射帝左右帝廻詣西北郭允明露刃隨後西

北至趙村前鋒已及亂兵騰沸上懼下馬入於民室郭允明知事不濟乃抽刃犯蹕而崩薛史隱帝紀郭允明知事不濟乃割刃於帝而崩允明自殺周太祖紀云允明弑漢帝于北郊劉恕曰允明帝所親信何由弑逆蓋郭威兵殺帝事成之後諱之因允明自殺歸罪耳按弑帝未必是允明但莫知為誰故止云亂兵蘇逢

吉閭晉卿郭允明皆自殺聶文進挺身走軍士追斬之

李業奔陝州

九域志大梁至陝州六百五十九里李業欲依其兄耳陝失冉翻

後匡贊

奔兗州

欲依慕容彦超也

郭威聞帝遇弑號慟曰老夫之罪也

號戶

威至玄化門劉銖雨射城外

雨射者射矢如雨也

威自迎春

門入歸私第

迎春門汴城東面北來第一門也本名曹門梁開平元年改曰建陽門晉天福三年

改曰迎春門

遣前曹州防禦使何福進將兵守明德門諸軍

大掠通夕烟火四發軍士入前義成節度使白再榮之

第執再榮盡掠其財既而進曰某等昔嘗趨走麾下

旦無禮至此何面目復見公

復扶又翻

遂刎其首而去

以白再榮

真定之虐今罹此禍抑天道也刎武粉翻

吏部侍郎張允家貲以萬計而性

吝雖妻亦不之委常自繫衆鑰於衣下行如環珮是夕

匿於佛殿藻井之上

風俗通云殿堂象東井刻為荷菱荷菱水物所以厭火杜佑曰漢宮

殿率號屋仰為井皆畫水藻蓮菱之屬以厭火何晏景
福殿賦緣以藻井編以絳疏又王文考靈光殿賦圓淵
方井反植荷渠蓋為方井而畫藻其上登者浸多板壞
也陸佃埤雅曰屋上覆椽謂之藻井

而墜軍士掠其衣遂以凍卒

卒子恤翻

初作坊使賈延徽有

寵於帝與魏仁浦為隣欲併仁浦所居以自廣屢譖仁

浦於帝幾至不測

言幾至于死也幾居依翻

至是有擒延徽以授仁

浦者仁浦謝曰因亂而報怨吾所不為也郭威聞之待

仁浦益厚右千牛衛大將軍棗彊趙鳳曰郭侍中舉兵

欲誅君側之惡以安國家耳而鼠輩敢爾乃賊也豈侍

中意邪執弓矢踞胡床坐於巷首掠者至輒射殺之里

中皆賴以全

射而亦翻

丙戌獲劉銖李洪建囚之

考異曰五代史闕

文周祖自鄴起兵銖盡誅周祖之家子孫婦女十數人極其慘毒及隱帝遇害周祖以漢太后令收銖下獄使人責銖殺其家對曰銖為漢家戮叛族耳不知其他威怒殺之王禹偁曰周世宗朝史官修漢隱帝實錄銖之忠言諱而不載銖今有子孝和擢進士第按銖所至貪婪酷虐在青州謀不受代賴郭瓊諭之始入朝私怨楊史快其就戮隱帝敗歸射而不納使至野死其屠滅周祖之家出於殘忍之性耳豈忠義之士邪王禹偁所記蓋憑孝和之銖謂其妻曰我死汝且為人婢乎妻曰以言耳今不取

公所為雅當然耳王殷郭崇威言於郭威曰不止剽掠

剽匹妙翻今夕止有空城耳威乃命諸將分部禁止掠者不

從則斬之

分扶問翻

至晡乃定竇貞固蘇禹珪自七里寨逃

歸郭威使人訪求得之尋復其位貞固為相值楊史弄

權

楊邠史弘肇

李業等作亂但以凝重處其間自全而已

處昌

呂翻下郭威命有司遷隱帝梓宮於西宮或請如魏高

貴鄉公故事塋以公禮

高貴鄉公事見六十七卷魏元帝景元元年

威不許

曰倉猝之際吾不能保衛乘輿

乘繩證翻

罪已大矣況敢貶

君乎太師馮道帥百官謁見郭威

帥讀曰率下同

威見猶拜之

道受拜如平時

考異曰五代史闕文周祖入京師百官謁之周祖見道猶設拜意道便行推

戴道受拜如平時徐曰侍中此行不易周祖氣沮故禪代之謀稍緩按周祖舉兵既克京城所以不即為帝者蓋以漢之宗室崇在河東信在許州贊在徐州若遽代漢慮三鎮舉兵以興復為辭則中外必有響應者故陽稱輔立宗子信素庸愚不足畏贊乃崇子故迎贊而立之使兩鎮息謀俟其離徐已遠去京稍近然後併信除之則三鎮去其二矣然後自立則所與為敵者唯崇而已此其謀也豈馮道受拜之所能沮乎道之所以受拜如平時者正欲徐曰侍中此行不易

易以

丁亥郭威帥

百官詣明德門起居太后且奏稱軍國事殷請早立嗣

君太后誥稱郭允明弑逆

太后之誥云然郭威之志神也此事考異已辯之于前

器不可無主河東節度使崇忠武節度使信皆高祖之

弟武寧節度使贊開封尹勲高祖之子其令百官議擇

所宜贊崇之子也高祖愛之養視如子

路振九國志劉崇之長子曰贊

少慧黠高祖憐之錄為已子贊于倫翻

郭威王峻入見太后於萬歲宮

薛按

史唐莊宗同光二年以太后宮為長壽宮晉漢蓋以為萬歲宮也或曰因萬歲殿為名見賢遍翻

請以

勲為嗣太后曰勲久羸疾不能起

羸倫為翻

威出諭諸將諸

將請見之太后令左右以卧榻舉之示諸將諸將乃信

之於是郭威與峻議立贊已丑郭威帥百官表請以贊

承大統太后誥所司擇日備灋駕迎贊即皇帝位郭威奏遣太師馮道及樞密直學士王度祕書監趙上交詣

徐州奉迎

考異曰周太祖實錄已丑太祖奏遣前太師馮道往彼諭旨太祖將奉表於徐州未知

所遣樞密直學士王度請行許之宰臣百寮表祕書監趙上交齋詔同日首塗五代史闕文周祖請道詣徐州冊湘陰公為漢嗣道曰侍中由衷乎周祖設誓道曰莫教老夫為謬語人及行謂人曰平生不謬語今為謬語人矣王禹偁曰周世宗朝詔史臣修周祖實錄故道之事迹所宜諱矣按道廉智自將陽愚遠禍恐不肯觸周祖未發之機其徒欲歸美而云耳又隱帝實錄云初議立徐帥太后遣中使馳諭劉崇請崇入繼大位崇知立其子上章謙遜恐無此事今不取

郭威之討三叛也

事見上卷每見朝

廷詔書處分軍事皆合機宜問使者誰為此詔使者以

翰林學士范質對威曰宰相器也入城訪求得之甚喜

時大雪威解所服紫袍衣之衣于既翻令草太后誥令迎新

君儀注蒼黃之中討論撰定皆得其宜蒼黃者猝遽之狀論盧昆翻撰

士免初隱帝遣供奉官押班陽曲張永德賜昭義節度

使常思生辰物供奉官押班供奉官之長也生辰物謂聖節回賜永德郭威之

壻也會楊邠等誅密詔思殺永德思素聞郭威多奇異

囚永德以觀變及威克大梁思乃釋永德而謝之庚寅

郭威帥百官上言比皇帝到闕動涉決旬

比必利翻十日為決旬徐

州至大梁七百里郭威計程言之也請太后臨朝聽政

考異曰周太祖實錄云太后自臨

朝令稱制隱帝實錄自是至國亡止稱誥今從之朝直遙翻

先是馬希萼遣蠻兵

圍玉潭朱進忠引兵會之崔洪璉兵敗奔還長沙

馬希廣遣

崔洪璉屯玉潭事始見上六月

希萼引兵繼進攻岳州刺史王贊拒之

五日不克希萼使人謂贊曰公非馬氏之臣乎不事我

欲事異國乎為人臣而懷貳心豈不辱其先人贊曰贊

父環為先王將六破淮南兵

王贊父環馬氏之良將也將即亮翻

今大王

兄弟不容容贊常恐淮南坐收其弊一旦以遺體臣淮南誠辱先人耳大王苟能釋憾罷兵兄弟雍睦如初贊敢不盡死以事大王兄弟豈有二心乎希萼慙引兵去

辛卯至湘陰焚掠而過

湘陰古羅縣之地唐屬岳州宋屬潭州九域志湘陰縣在潭州

東北一百五十五里宋白曰湘陰縣本羅子國秦為羅縣宋元徽二年分益陽羅三縣界處巴峽流人因立湘陰縣以地在湘江之陰故名至長沙軍於湘西步兵及蠻兵軍於嶽

麓

盛弘之荊州記長沙兩岸有麓山蓋衡山之足又名靈麓峯乃嶽山七十二峯之數自湘西古渡登岸夾

徑喬松泉澗盤繞諸峯疊秀下瞰湘江道林嶽麓等寺皆在焉

朱進忠自玉潭引兵會

之馬希廣遣劉彥瑫召水軍指揮使許可瓊帥戰艦五

百艘屯城北津屬於南津

帥讀曰率屬之欲翻

以馬希崇為監軍

馬希崇在長沙常為希萼詞希廣希萼又以利啖許可瓊希廣使可瓊為將希崇監軍所謂藉寇兵也

又

遣馬軍指揮使李彥溫將騎兵屯駝口扼湘陰路

劉江口有

駝背因謂之駝口

步軍指揮使韓禮將二千人屯楊柳橋扼柵

路朗兵柵于湘西以兵扼其路

可瓊德勲之子也

許德勲亦楚之良將

壬辰

太后始臨朝以王峻為樞密使袁義為宣徽南院使王

殷為侍衛馬步軍都指揮使郭崇威為侍衛馬軍都指

揮使曹威為侍衛步軍都指揮使陳州刺史李穀權判

三司 劉銖李洪建及其黨皆梟首於市而赦其家

考

異曰實錄國子博士司天監洛陽王處訥素與周祖善
因言劉氏祚短事處訥曰漢歷未盡但以即位後讐殺
人夷人之族怨結天下所以社稷不得久長耳時周祖
方以兵圍蘇逢吉劉銖之第俟旦而族之聞其言蹶然
遽命釋之按周祖時方迎湘陰公立 郭威謂公卿曰劉
之豈得遽言劉氏祚短乎今不取

銖屠吾家吾復屠其家怨讐反覆庸有極乎由是數家

獲免王殷屢為洪建請免死

王殷先與李洪建分掌侍衛馬步軍以同僚故為之

請為于 郭威不許後匡贊至兗州慕容彥超執而獻之
偽翻

李業至陝州

陝失冉翻

其兄保義節度使洪信不敢匿於家

業懷金將奔晉陽至絳州盜殺之而取其金蜀施州

刺史田行臯奔荆南高保融曰彼貳於蜀安肯盡忠於

我執之歸於蜀伏誅鎮州邢州奏契丹主將數萬騎

入寇攻內丘

內丘本漢中丘縣隋避武元帝諱改為內丘唐屬邢州九域志在州北四十七里范

成大社使錄邢州三十五里至內丘縣

五日不克死傷甚衆有成兵五百

叛應契丹引契丹入城屠之又陷饒陽

九域志饒陽縣在深州北九十

里太后敕郭威將大軍擊之國事權委實貞固蘇禹珪

王峻軍事委王殷十二月甲午朔郭威發大梁 丁酉

以翰林學士戶部侍郎范質為樞密副使 初蠻酋彭

師高降於楚

見二百八十二卷晉天福五年酋慈由翻高古老翻

楚人惡其獷直

惡鳥路翻 獷古猛翻

楚王希廣獨憐之以為強弩指揮使領辰州

刺史師高常欲為希廣死

偽為于翻

及朱進忠與蠻兵合七

千餘人至長沙營於江西

湘江西

師高登城望之言於希

廣曰朗人驟勝而驕雜以蠻兵攻之易破也願假臣步

卒三千自巴溪度江出嶽麓之後至水西令許可瓊以

戰艦度江腹背合擊必破之前軍敗則其大軍自不敢

輕進矣希廣將從之時馬希萼已遣間使以厚利啖許

可瓊

間古莧翻
啖吐盪翻

許分湖南而治可瓊有貳心乃謂希廣

曰師曷與梅山諸蠻皆族類安可信也可瓊世為楚將

許可瓊德熟之
子故自言爾

必不負大王希萼竟何能為希廣乃止

希萼尋以戰艦四百餘艘泊江西希廣命諸將皆受可

瓊節度日賜可瓊銀伍百兩希廣屢造其營計事

造七
到翻

可瓊常閉壘不使士卒知朗軍進退希廣歎曰真將軍

也吾何憂哉

臨亂之君各賢其臣斯言信矣

可瓊或夜乘單舸詐稱巡

江與希萼會水西約為內應

舸苦我翻

一旦彭師嵩見可瓊

瞋目叱之

瞋昌真翻

拂衣入見希廣曰可瓊將叛國人皆知

之請速除之無貽後患希廣曰可瓊許侍中之子豈有

是邪

楚加許德熟侍中故希廣稱之

師嵩退歎曰王仁而不斷

斷丁亂翻

敗

亡可翹足俟也潭州大雪平地四尺潭朗兩軍久不得

戰希廣信巫覡及僧語塑鬼于江上

覡刑狄翻塑桑故翻搏埴為鬼神之神

形曰舉手以却朗兵又作大像于高樓手指水西怒目

視之

怒奴古翻

命衆僧日夜誦經希廣白衣僧服膜拜求福

衣于既翻下暉衣同膜莫乎翻

甲辰朗州步軍指揮使武陵何敬真等

考異曰湖湘故事作

何景真今從十國紀年

以蠻兵三千陳於楊柳橋敬真

望韓禮營旌旗紛錯

先是希廣命韓禮營于楊柳橋紛亂也錯雜也陳讀曰陣

曰彼

衆已懼擊之易破也朗人雷暉衣潭卒之服潛入禮寨

手劒擊禮不中

手式又翻中竹仲翻

軍中驚擾敬真等乘其亂擊

之禮軍大潰禮被創走至家而卒

創初良翻

于是朗兵水陸

急攻長沙步軍指揮使吳宏小門使楊滌相謂曰以死

報國此其時矣各引兵出戰宏出清泰門戰不利滌出

長樂戰自辰至午朗兵小却

長樂之下
當有門字

許可瓊劉彥瑫

按兵不救滌士卒飢疲退就食彭師高戰于城東北隅

蠻兵自城東縱火城上人招許可瓊軍使救城可瓊舉

全軍降希萼長沙遂陷朗兵及蠻兵大掠三日殺吏民

焚廬舍自武穆王以來所營宮室皆為灰燼

楚王馬殷
謚武穆

所積寶貨皆入蠻落李彥溫望見城中火起自駝口引
兵救之朗人已據城拒戰彥溫攻清泰門不克與劉彥

瑫各將千餘人奉文昭王及希廣諸子趣袁州遂奔唐

楚王希範諡文昭九域志潭州東南至袁州六百三十四里趣七喻翻

張暉降於希萼

張暉

先是自益陽遁歸長沙長沙既陷遂降于希萼

左司馬希崇帥將吏詣希萼勸

進馬希崇通希萼事始二百八十卷天福十二年帥讀曰率吳宏戰血滿袖見希

萼曰不幸為許可瓊所誤今日死不愧先王矣彭師曷

投槊于地大呼請死

呼火故翻

希萼歎曰鐵石人也皆不殺

乙巳希崇迎希萼入府視事閉城分捕希廣及掌書記

李弘皋弟弘節都軍判官唐昭胤及鄧懿文楊滌等皆

獲之希萼謂希廣曰承父兄之業豈無長幼乎希廣曰

將吏見推朝廷見命耳希萼皆囚之

卒如張少敵
拓拔恒之言

丙午

希萼命內外巡檢侍衛指揮使劉賓禁止焚掠丁未希

萼自稱天策上將軍武安武平靜江寧遠等軍節度使

馬氏舊有此四鎮之地是
時寧遠巡屬已屬南漢

楚王

此皆父兄官爵希萼未
稟命于中國而自稱之

以希崇為節度副使判軍府事

為希崇殺
希萼張本

湖南要職悉

以朗人為之鬻食李弘皋弘節唐昭胤楊滌斬鄧懿文

於市戊申希萼謂將吏曰希廣懦夫為左右所制耳吾

欲生之可乎諸將皆不對朱進忠嘗為希廣所笞對曰

大王三年血戰始得長沙

天福十二年希萼希廣始爭國次年交兵至是三年矣

一國不容二主它日必悔之戊申賜希廣死希廣臨刑

猶誦佛書彭師曷葬之于瀏陽門外

瀏陽門潭州城東門劉音劉

武寧節度使贊留右都押牙鞏延美元從都教練使楊

溫守徐州

為二人以徐州拒周張本鞏延美據下卷及歐史當作鞏延美鞏以邑為姓周有卿士鞏

簡公晉有大夫鞏朔從才用翻

與馮道等西來

自彭城而西來大梁

在道仗衛皆

如王者左右呼萬歲郭威至滑州留數日贊遣使慰勞

諸將

勞力到翻

受命之際相顧不拜私相謂曰我輩屠陷京

城其罪大矣若劉氏復立我輩尚有種乎

種章勇翻

已酉威

聞之即引兵行趣澶州

趣七喻翻

辛亥遣蘇禹珪如宋州迎

嗣君

楚王希萼以子光賛為武平留後以何敬真為

朗州牙內都指揮使將兵戍之希萼召拓拔恒欲用之

恒稱疾不起

自希廣之立拓拔恒已杜門矣事見二百八十七卷天福十二年

壬子

郭威度河館于澶州

館古玩翻澶時連翻

癸丑旦將發將士數千

人忽大譟威命閉門將士踰垣登屋而入曰天子須侍

中自為之將士已與劉氏為仇不可立也或裂黃旗以

被威體

被皮義翻

共扶抱之呼萬歲震地因擁威南行威乃

上太后牋請奉宗廟事太后為母丙辰至韋城

隋分白馬置韋

城縣治韋氏國城屬滑州九域志在州東南五十里丁度曰韋城縣古豕韋國也上時掌翻

下書撫

諭大梁士民以昨離河上在道秋毫不犯勿有憂疑

京恐

城士民懲前者剽掠之禍奔迸四出故撫安之離力智翻

戊午威至七里店竇貞固

帥百官出迎拜謁因勸進威營於臯門村

臯門村蓋在臯門之外按

大梁城無臯門詩大雅綿之篇曰乃立臯門臯門有仇
毛氏傳曰王之郭門曰臯門鄭氏箋曰諸侯之宮外門

曰臯門朝門曰應門內有路門天子之宮加之庫雉至禮記明堂位記周賜魯公以天子之制其言曰庫門天子臯門雉門天子應門鄭注又云天子五門臯庫雉應路魯有庫雉路則諸侯三門歟詳而味之詩箋記注微有不同而五代之時汴城之外所謂臯門村蓋以郭門之外有村遂呼曰臯門村合于毛氏詩傳臯門村屬開封縣薛史云王檀葬于開封縣之臯門原以是知之

武寧節度使贊已至宋州

王峻王殷聞澶州軍變遣侍衛馬軍都指揮使郭崇威將七百騎往拒之又遣前申州刺史馬鐸將兵詣許州巡檢崇威忽至宋州陳于府門外贊大驚闔門登樓詰之詰許州巡檢備劉信也汴京至宋州二百八十五里耳贊不意其至故驚而詰之詰去吉翻對曰

澶州軍變郭公慮陛下未察故遣崇威來宿衛無它也

贊召崇威崇威不敢進馮道出與崇威語

先是使馮道迎贊故道在

贊所崇威乃登樓贊執崇威手而泣崇威以郭威意安諭

之少頃崇威出時護聖指揮使張令超帥部兵為贊宿

衛

按薛史護聖漢侍衛馬軍也帥讀曰率下同

徐州判官董裔說贊曰

說式芮翻

觀崇威視瞻舉措必有異謀道路皆言郭威已為帝而陛下深入不止禍其至哉請急召張令超諭以禍福使夜以兵劫崇威奪其兵明日掠睢陽金帛募士卒北走

晉陽

宋州睢陽郡贊父崇鎮

彼新定京邑未暇追我此

晉陽雖音雖走音奏

策之上也贊猶豫未決是夕崇威密誘令超令超帥衆

歸之

誘音西

贊大懼郭威遺贊書云為諸軍所迫召馮道

先歸留趙上交王度奉侍道辭行贊曰寡人此來所恃

者以公三十年舊相故無疑耳

馮道唐明宗天成二年為相至是二十四年曰

三十年舉成數也遺於季翻

今崇威奪吾衛兵事危矣公何以為計

道默然

無以答贊故默馮道目謂癡頑老子良不妄也

客將賈貞數目道欲殺

之

將即亮翻數所角翻

贊曰汝輩勿草草此無預馮公事

契丹主入汴責

劉繼勳繼勳歸罪于道道幾死矣宋州之事使劉贊從賈貞之意道亦必死矣而契丹主謂道非多事者劉贊謂無預馮公事宜非以其在位素懷冲澹與物無競人皆敬其名德而然邪道之全身固為得矣有國者焉用彼相哉然自後唐同光以來樞密使任事丞相取充位而已責人斯無難惟受責俾如流以此而言道未肯受責也崇威遷贊於外館殺其腹心董裔賈貞等數人已未

太后誥廢贊為湘陰公馬鐸引兵入許州劉信惶惑自

殺庚申太后誥以侍中監國

太后兩誥皆郭威之志也侍中稱郭威官

百官

藩鎮相繼上表勸進壬戌夜監國營有步兵將校醉揚言鄉者澶州騎兵扶立今步兵亦欲扶立監國斬之

南漢主以宮人盧瓊仙黃瓊芝為女侍中朝服冠帶參
決政事

朝直
遙翻

宗室勲舊誅戮殆盡惟宦官林延遇等用

事

史言南漢終以宦官女寵亡國而南漢主所以
能終其世者以僻處海隅而中國未有真主耳

資治通鑑卷二百八十九

資治通鑑卷二百九十 宋 司馬光 撰

胡三省 音註

後周紀一

一起重光大淵獻盡玄默困敦八月凡一年有奇 周自以為周號叔之後春秋戰國

之世傳記謂號叔之後有國者為號公後謂之郭公號郭音相近也虞大夫宮之奇曰號仲號叔王季之穆也郭之得姓本於周故建國號曰周通鑑因謂之後周

太祖聖神恭肅文孝皇帝上

姓郭氏諱威邢州堯山人父簡事晉

為順州刺史

廣順元年春正月丁卯漢太后下詔授監國符寶

即皇帝位監國自臯門入宮

臯門大梁城外村名

即位於崇

元殿制曰朕周室之裔號叔之後國號宜曰周改

元大赦楊邠史弘肇王章等皆贈官官為斂葬

楊邠

等死見上卷上年為干偽相斂力驍翻

仍訪其子孫叙用之凡倉場

庫務掌納官吏無得收斗餘稱耗

斗餘概量之外又取其餘也稱

耗稱計斤鈞石之外又多取之以備耗折今悉除之楊王章皆斂之弊也稱尺證翻

舊所進

羨餘物悉罷之

羨弋戰翻羨餘唐之流弊也至五季而愈甚

犯竊盜及

姦者並依晉天福元年以前刑名罪人非反逆無得誅及親族籍沒家貲

矯史弘肇虐刑之弊也

唐莊宗明宗

晉高祖各置守陵十戶漢高祖陵職負宮人時月薦

享及守陵戶並如故初唐哀多盜不用律文更定峻法

竊盜賊三匹者死晉天福中加至五匹姦有夫婦人無

問強和男女並死

強謂男以威力加女女不得已而與之通姦者和謂男女相慕欲動情生

而通姦者漢法竊盜一錢以上皆死又罪非反逆往往族誅

籍沒故帝即位首革其弊初楊邠以功臣國戚為方鎮

者多不開吏事

也 閑習

乃以三司軍將補都押牙孔目官

內知客其人自恃敕補多專橫

橫下 孟翻

節度使不能制至

是悉罷之帝命史弘肇親吏上黨李宗矩訪弘肇親族
崇矩言弘肇弟弘福今存初弘肇使崇矩掌其家貲之

籍由是盡得其產皆以授弘福帝賢之使隸皇子榮帳

下 戊辰以前復州防禦使王彥超權武寧節度使

時劉

贊將鞏廷美
等守徐州

漢李太后遷居西宮

按薛史漢太平
宮蓋即西宮

已

已上尊號曰昭聖皇太后

上時
掌翻

開封尹兼中書令劉

勲卒 癸酉加王峻同平章事 以衛尉卿劉暉主漢

隱帝之喪

劉勲既卒他無親屬故也

初河東節度使燕中書令劉

崇聞隱帝遇害欲舉兵南向聞迎立湘陰公乃止曰吾

兒為帝吾又何求太原少尹李驥陰說崇曰

說式尚翻

觀郭

公之心終欲自取公不如疾引兵逾太行據孟津

行戶剛翻

俟徐州相公即位

湘陰公本鎮徐州故稱之

然後還鎮則郭公不敢

動矣不然且為所賣崇怒曰腐儒欲離間吾父子命左

右曳出斬之

間古莧翻曳讀曰拽音羊列翻

驤呼曰吾負經濟之才而

為愚人謀事

呼火故翻
為于偽翻

死固甘心家有老妻願與之同

死崇并其妻殺之且奏於朝廷示無二心及贊廢崇乃

遣使請贊歸晉陽詔報以湘陰公比在宋州

比毗
至翻

今方

取歸京師必令得所公勿以為憂公能同力相輔當加

王爵永鎮河東鞏廷美楊溫聞湘陰公失位奉贊妃董

氏據徐州拒守以俟河東援兵

劉贊令鞏廷美等守徐
州事始見上卷上年

帝使贊以書諭之廷美溫欲降而懼死

降戶
江翻

帝復遣贊

書曰爰念斯人盡心於主

復扶又翻
遺唯季翻主謂劉贊

足以賞其忠

義何由責以悔尤俟新節度使入城

新節度使謂王彥超

當各除

刺史公可更以委曲示之

唐宋主帥以手書諭示將佐率謂之委曲

契丹

之攻內丘也

事見上卷上年

死傷頗多又值月食軍中多妖異

契丹主懼不敢深入引兵還

胡人用兵以月為候月食又多妖異故懼而不敢進

妖一遙翻還從宣翻又如字

遣使請和於漢會漢亡安國節度使劉

詞送其使者詣大梁帝遣左千牛衛將軍朱憲報聘且

叙革命之由以金器玉帶贈之帝以鄴都鎮撫河北

控制契丹欲以腹心處之

處昌呂翻

乙亥以寧江節度使侍

衛親軍都指揮使王殷為鄴都留守天雄節度使同平

章事領軍如故

仍領侍衛親軍

仍以侍衛司從赴鎮丙子帝帥

百官詣西宮為漢隱帝舉哀成服皆如天子禮

去年遷隱帝梓

宮於西宮事見上卷
帥讀曰率為于偽翻

慕容彥超遣使入貢帝慮其疑

懼賜詔慰安之曰今兄事已至此言不欲繁望弟扶持

同安億兆

漢祖慕容彥超之兄也今兄薛史作令兄當從之

戊寅殺湘陰公於

宋州是日劉崇即皇帝位於晉陽

劉崇漢祖母弟也

仍用乾

祐年號所有者并汾忻代嵐憲隆蔚沁遼麟石十二州

之地

宋白曰憲州故樓煩監牧唐昭宗龍紀元年李克用奏置憲州宋太宗之平太原折御卿自府州會

兵攻劉繼元先克岢嵐軍次克隆州次克嵐州則陞以州蓋晉漢間所置其地在岢嵐嵐谷之間沁平鵠翻

節度判官鄭珙為中書侍郎

珙居勇翻

觀察判官榮陽趙華

為戶部侍郎並同平章事以次子承鈞為侍衛親軍都

指揮使太原尹以節度副使李存瓌為代州防禦使裨

將武安張元徽為馬步軍都指揮使

九域志武安縣屬洛州在州西九十

五里陳光裕為宣徽使北漢主謂李存瓌張元徽曰

通鑑書嶺

南之漢為南漢河東之漢為北漢

朕以高祖之業一朝墜地今日位號

不得已而稱之顧我是何天子汝曹是何節度使邪由是不建宗廟祭祀如家人宰相月俸止百緡節度使止

三十緡

按唐世百官俸錢自會昌以後不復增減三師二百萬三公百六十萬侍中百五十萬中書令

兩省侍郎兩僕射東宮三師百四十萬尚書御史大夫東宮三少百萬節度使三十萬至梁開平五年宰相俸二百千後唐同光四年定節度副使每月料錢四十千則節度使當又多今北漢主皆減其數俸扶用翻

餘薄有資給而已故其國中少廉吏

少詩洛翻

客省使河南

李光美嘗為直省官

三省有直省官凡百官詣宰相皆差直省官引接其職則外鎮客司

通引之職也

頗諳故事

諳烏含翻

北漢朝廷制度皆出於光美北

漢主聞湘陰公死哭曰吾不用忠臣之言以至於此為

李驥立祠

為子偽翻

歲時祭之

己卯以太師馮道為中書

令加竇貞固侍中蘇禹珪司空王彥超奏遣使齎敕

詣徐州鞏廷美等猶豫不肯啓關詔進兵攻之帝謂

王峻曰朕起於寒微備嘗艱苦遭時喪亂

喪息浪翻

一旦為

帝王豈敢厚自奉養以病下民乎命峻疏四方貢獻珍

美食物庚辰下詔悉罷之

按薛史本紀詔應天下州府舊貢滋味食饌之物所宜除

減其兩浙進細酒海味薑瓜湖南杭子茶乳糖白沙糖
橄欖子鎮州高公米水梨易定栗子河東白杜梨米粉

菜豆粉玉屑飢子麩永興御田紅稭米新大麥麩興平
蘇栗子華州麝香羚羊角熊膽獺肝朱柿熊白河中樹
紅棗五味子輕錫同州石鐵餅晉絳蒲菊黃消梨陝府
鳳栖梨襄州紫薑新笋橘子安州折稷米糟味青州水
梨河陽諸雜果子許州御李子鄭州新笋鵝梨懷州寒
食杏仁申州蘘荷亳州草薺汧淮州郡淮白魚今後不
須進

其詔略曰所奉止於朕躬所損被於百姓

被皮義
翻忙謨

耕翻又曰積於有司之中甚為無用之物又詔曰朕生長

軍旅

長知
兩翻

不親學問未知治天下之道

治直
之翻

文武官有

益國利民之術各具封事以聞咸宜直書其事勿事辭
藻帝以蘇逢吉之第賜王峻峻曰是逢吉所以族李崧

也

事見二百八十八卷漢乾祐元年

辭而不處

使王峻處權勢之間皆以是心處之必不至有

商州之禍矣處昌呂翻

初契丹主北歸

見二百八十七卷漢高祖天福十二年

橫

海節度使潘聿撚弃鎮隨之契丹主以聿撚為西南路

招討使

撚乃殄翻

及北漢主立契丹主使聿撚遺劉承鈞書

北漢主使承鈞復書稱本朝淪亡紹襲帝位欲循晉室

故事求援北朝

遺唯李翻晉室故事謂晉祖事契丹以求援故事也朝直遙翻下同

契丹

主大喜北漢主發兵屯陰地黃澤團柏

屯陰地者欲窺晉隰屯黃澤者

欲窺邢趙屯團柏者欲窺鎮定

丁亥以承鈞為招討使與副招討使白

從暉都監李存瓌將步騎萬人寇晉州從暉吐谷渾人也

郭崇威更名崇曹威更名英

皆避帝名也
更工衡翻

二月丁

酉以皇子天雄牙內都指揮使榮為鎮寧節度使選朝
士為之僚佐以侍御史王敏為節度判官右補闕崔頌

為觀察判官校書郎王朴為掌書記

為王朴見任
於世宗張本頌協

之子

崔協相後
唐明宗

朴東平人也

戊戌北漢兵五道攻晉

州節度使王晏閉城不出劉承鈞以為怯蟻附登城晏
伏兵奮擊北漢兵死傷者千餘人承鈞遣副兵馬使安

元寶焚晉州西城元寶來降承鈞乃移軍攻隰州

九域志晉

州西北至隰州二百五十里

癸卯隰州刺史許遷遣步軍都指揮使

孫繼業迎擊北漢兵於長壽村

唐武德二年分隰州石樓置長壽縣貞觀元年

省入石樓執其將程筠等殺之未幾北漢兵攻州城

幾居數

日不克死傷甚衆乃引去遷鄆州人也 甲辰楚王希

萼遣掌書記劉光輔入貢於唐

考異曰湖湘故事光輔作光翰今從十國紀

年

帝悉出漢宮中寶玉器數十碎之於庭曰凡為帝

王安用此物聞漢隱帝日與嬖寵於禁中嬉戲珍玩不

離側

壁早義翻又必計翻離力智翻

茲事不遠宜以為鑑仍戒左右自

今珍華悅目之物無得入宮

丁未契丹主遣其臣裊

骨支與朱憲偕來

裊奴烏翻歐史作裊朱憲使契丹見上正月

賀即位

戊

申敕前資官各聽自便居外州

漢隱帝乾祐二年冬楊邠奏前資官分居兩京

事見二百八十八卷

陳思讓未至湖南馬希萼已克長沙思讓

留屯郢州敕召令還

去年十一月漢朝議發兵救潭州內難作而不果劉郭易姓之際必

未暇遣將南畧未知陳思讓為誰朝所遣當考按薛史周太祖登極遣陳思讓帥偏師至安郢以圖進取長沙陷乃班師則帝所遣也

丁巳遣尚書左丞田敏使契丹北漢主

遣通事舍人李訥使於契丹

訥俗辯字從功從言宋景文手記曰北齊時里俗多

作偽字始以巧言為辯至隋有柳訥其字又以訥易巧矣

乞兵為援 詔加泰寧節

度使慕容彥超中書令遣翰林學士魚崇諒詣兗州諭

指崇諒即崇遠也

魚崇諒先因避漢祖諱改名

彥超上表謝三月壬

戌朔詔報之曰向以前朝失德少主用讒

少詩照翻

倉猝之

間召卿赴闕卿即奔馳應命信宿至京救國難而不顧

身聞君召而不俟駕

難乃旦翻

以至天亡漢祚兵散梁郊降

將敗軍相繼而至卿即便回馬首徑反龜陰

兗州在龜山之陰慕容

客彥超赴大梁還充
州事並見上卷上年

為主為時

為于
偽翻

有終有始所謂危

亂見忠臣之節疾風知勁艸之心若使為臣者皆能如

茲則有國者誰不欲用所言朕潛龍河朔之際平難浚

郊之時

難乃旦翻浚郊謂大梁之郊大梁有浚水詩云
子子干旌在浚之郊韓愈從董晉于汴州賦曰

非天子之洵美兮緣不奉示喻之言亦不得差人至行
吾何為乎浚之都

闕且事主之道何必如斯若或二三於漢朝

朝直
遙翻

又安

肯忠信於周室以此為懼不亦過乎卿但悉力推心安

民體國事朕之節如事故君不惟黎庶獲安抑亦社稷

是賴但堅表率未議替移由衷之誠言盡於此

以慕容彥超不

自安故以此
詔撫諭之

唐以楚王希萼為天策上將軍武安武

平靜江寧遠節度使兼中書令楚王以右僕射孫忌

孫忌

即孫晟歐史曰晟
一名忌又名鳳

客省使姚鳳為冊禮使丙寅遣前

淄州刺史陳思讓將兵戍磁州扼黃澤路

磁州西北當
黃澤關路口

磁州
之翻

楚王希萼既得志多思舊怨殺戮無度晝夜縱

酒荒淫悉以軍府事委馬希崇希崇復多私曲政刑

紊亂

復扶又翻
紊音問

府庫既盡於亂兵籍民財以賞資士卒

或封其門而取之士卒猶以不均怨望雖朗州舊將佐

從希萼來者亦皆不悅有離心劉光輔之入貢於唐也

入貢見唐主待之厚光輔密言湖南民疲主驕可取也

唐主乃以營屯都虞候邊鎬為信州刺史將兵屯袁州

潛謀進取小門使謝彥顥顯魚容翻 考異曰湖湘故

錄作謝延澤今本希萼家奴以首面有寵於希萼首面

從十國紀年至與妻妾雜坐恃恩專橫孟翻常肩隨希崇或撫

其背記曲禮年長以倍則父事之十年以長則兄事之

五年以長則肩隨之注云肩隨者與之並行差退

若捐背則
狎之矣

希崇銜之故事府宴小門使執兵在門外希

萼使彥顥預坐或居諸將之上諸將皆恥之希萼以府

舍焚蕩命朗州靜江指揮使王逵副使周行逢帥所部

兵千餘人治之

帥讀曰率下同治直之訓

執役甚勞又無犒賜

犒苦到翻

士卒皆怨竊言曰囚免死則役作之我輩從大王出萬

死取湖南何罪而囚役之且大王終日酣歌豈知我輩

之勞苦乎逵行逢聞之相謂曰衆怨深矣不早為計禍

及吾曹壬申旦帥其衆各執長柯斧白梃逃歸朗州

柯斧

柄也提
徒鼎翻

時希萼醉未醒左右不敢白癸酉始白之希萼

遣湖南指揮使唐師翦將千餘人追之不及直抵朗州

達等乘其疲乏伏兵縱擊士卒死傷殆盡師翦脫歸章

恕翻達等黜留後馬光贊

去年馬希萼以
子光贊鎮朗州

更以希萼兄子

光惠知州事

更工
衛翻

光惠希振之子也

希振馬殷之
嫡長子也

尋奉

光惠為節度使達等與何敬真及諸軍指揮使張傲參

決軍府事希萼具以狀言於唐唐主遣使以厚賞招諭

之達等納其賞縱其使不答其詔唐亦不敢詰也

使疎
吏翻

詰去吉翻為王遠等
以朗州攻潭州張本

王彥超奏克徐州殺鞏廷美等

鞏廷美等以
無援敗死

北漢李晉至契丹契丹主使拽刺梅里

報之

拽羊列翻
刺來達翻

丙子敕朝廷與唐本無仇怨緣淮軍

鎮各守疆域無得縱兵民擅入唐境商旅往來無得禁

止已卯潞州送涉縣所獲北漢將卒二百六十餘人

各賜衫袴巾履遣還

涉漢縣唐屬潞州九域志
在州東北一百九十八里

加

吳越王弘俶諸道兵馬都元帥夏四月壬辰朔濱淮州

鎮上言淮南饑民過淮糴穀未敢禁止詔曰彼之生民

與此何異宜令州縣津鋪無得禁止

鋪普故翻

蜀通奏使

高延昭固辭知樞密院丁未以前雲安權鹽使太原伊

審徵為通奏使知樞密院事

雲安漢巴郡之胸臆縣地周武帝置雲安縣唐屬夔

州以其產鹽置雲安監

審徵蜀高祖妹褒國公主之子也少與蜀

主相親狎

少詩照翻

及知樞密政之大小悉以咨之審徵亦

以經濟為已任而貪侈回邪與王昭遠相表裏蜀政由

是浸衰

吳越王弘俶徙廢王宏侗居東府

自衣錦軍徙居東府

吳越以越州為東府

為築宮室治園圃娛悅之

為于偽翻治直之翻

歲時供

饋甚厚 契丹主遣使如北漢告以周使田敏來約歲

輸錢十萬緡

輸春遇朔

北漢主使鄭珙以厚賂謝契丹

珙居勇朔

自稱姪皇帝致書於叔天授皇帝請行冊禮 五月已

巳遣左金吾將軍姚漢英等使於契丹契丹留之

契丹以北

漢文之厚

辛未北漢禮部侍郎同平章事鄭珙卒

於契丹

考異曰晉陽見聞錄鄭珙既達虜庭虜君恩禮周厚虜俗以酒池肉林為名雖不飲酒如韋

曜輩者亦加灌注縱成疾無復信之珙魁岸善飲曜無量之逼宴罷載歸一夕腐脇於穹廬之氈堵間與尸而復命九國志契丹宴犒漢使必厚具酒肉以示夸大高祖鎮河東嘗命韋曜北使曜羸瘠不能飲酒虜人強之

遂卒按韋曜孫皓時人韋昭也不能飲酒王保衡引以為文章而路振云高祖時人誤也

甲戌義

武節度使孫方簡避皇考諱更名方諫

更工衡翻

定難節

度李彝殷遣使奉表於北漢

節度之下當有使字難乃旦翻

六月辛

亥以樞密使同平章事王峻為左僕射兼門下侍郎樞

密副使兵部侍郎范質判三司李穀為中書侍郎並同

平章事穀仍判三司司徒兼侍中竇貞固司空兼中書

侍郎同平章事蘇禹珪並罷守本官癸丑范質參知樞

密院事丁巳以宣徽北院使翟光鄴兼樞密副使

翟光伯翻

又徒
歷朝

初帝討河中已為人望所屬

帝討河中見二百八十八卷漢乾祐元年

屬之
欲詞

李穀時為轉運使帝數以微言動之穀俱以人臣

盡節為對帝以是賢之即位首用為相時國家新造四方多故王峻夙夜盡心知無不為軍旅之謀多所裨益范質明敏強記謹守法度李穀沈毅有器略在帝前議

論辭氣忼慨善譬諭以開主意

穀所角翻沈持林翻沈苦廣翻此史言周朝新

造輔相者能盡心
營職以濟多艱

武平節度使馬光惠愚懦嗜酒不

能服諸將王逵周行逢何敬真謀以辰州刺史廬陵劉

言驍勇得蠻夷心

劉言從彭玕奔楚因為楚將

欲迎以為副使言知

遠等難制曰不往將攻我乃單騎赴之

九域志辰州東至朗州五百六

十六里

既至衆廢光惠送於唐推言權武平留後

為王逵等殺劉

言張本

表求旄節於唐唐人未許亦稱藩於周 吳越王

弘俶以前內外馬步都統軍使仁俊無罪復其官爵

錢仁

俊被幽見二百八十五卷晉齊王開運二年

契丹遣燕王述軋等冊命北

漢主為大漢神武皇帝妃為皇后北漢主更名旻

更工衡錮

秋七月

按五代會要是月周追尊四廟

北漢主遣翰林學士博興衛

融等詣契丹謝冊禮

博興即唐青州之博昌縣後唐避獻祖諱改曰博興九域志縣在州

西北一百二十里

且請兵

請兵以攻周

八月壬戌葬漢隱帝於潁

陵

潁陵在許州陽翟縣

義武節度使孫方諫入朝壬子徙鎮國

節度使以其弟易州刺史行友為義武留後又徙建雄

節度使王晏鎮徐州以武寧節度使王彥超代之

王晏與王

彥超兩

易所鎮

戊午追立故夫人柴氏為皇后

柴氏先卒去年不死於劉

銖之

九月北漢主遣招討使李存瓌將兵自團柏入

寇契丹欲引兵會之

契丹之下當有主字

與酋長議於九十九泉

魏土地記曰沮陽城東八十里有牧牛山山下有九十泉即滄河之上源也按魏收魏書天賜三年八月魏主登武要北原觀九十九泉武要縣漢屬定襄郡東部都尉治所宋白曰九十九泉在幽州西北一千餘里

諸部皆不欲南寇契丹主強之癸亥行至新州之火神

淀

契丹雖破晉其力亦疲諸部瘡痍未瘳羸耗未復故不欲南寇宋白曰火神淀在新州西強其兩翻淀徒

練翻淺水曰淀

燕王述軋及偉王之子太寧王溫僧作亂

溫烏侯翻

弒契丹主而立述軋契丹主德光之子述律逃入南山諸部奉述律以攻述軋溫僧殺之并其族黨立述律為帝改元應歷自火神淀入幽州遣使告於北漢北漢主

遣樞密直學士上黨王得中如契丹賀即位復以叔父
事之請兵以擊晉州契丹主年少好遊戲不親國事每
夜酣飲達旦乃寐日中方起國人謂之睡王後更名明
少詩照翻好吁
到翻更工衡翻

士申蜀以吏部尚書御史中丞范仁
恕為中書侍郎兼吏部尚書同平章事 楚王希萼既

克長沙不賞許可瓊

許可瓊降希萼見上
卷漢隱帝乾祐三年

疑可瓊怨望

出為蒙州刺史

唐武德五年析荔州之隋化縣置南恭
州貞觀八年更名蒙州宋朝熙寧五年

廢蒙州以立山縣隸昭州宋白曰蒙州漢荔浦縣地唐
置蒙州以州東面有蒙山山下有泉源流為蒙水山下

人皆姓
蒙故名

遣馬步都指揮使徐威左右軍馬步使陳敬遷

水軍都指揮使魯公綰牙內侍衛指揮使陸孟俊帥部

兵立寨于城西北隅以備朗兵

帥讀曰
率下同

不存撫役者將

卒皆怨怒謀作亂希崇知其謀戊寅希萼宴將吏徐威

等不預希崇亦辭疾不至威等使人先驅蹙齧馬十餘

入府自帥其徒執斧斤白梃聲言繫馬奄至座上縱橫

擊人顛踣滿地

蹙大計翻齧魚結翻繫陟
立翻繫子容翻踣滿地翻

希萼踰垣走

威等執囚之

考異曰十國紀年作丁丑按
湖湘故事在十九日今從之

執謝彥顯

自頂及踵剉之立希崇為武安留後縱兵大掠幽希萼

於衡山縣

三國時吳分湖南縣置衡山縣唐屬衡州宋朝淳化四年分屬潭州九域志衡山縣在潭

州西南三百二十里

劉言聞希崇立遣兵趣潭州

趣七音翻

聲言討其

篡奪之罪壬午軍於益陽之西希崇懼癸未發兵二千

拒之又遣使如朗州求和請為鄰藩掌書記桂林李觀

象說言曰

時人謂桂州為桂林說式尚翻

希萼舊將佐猶在長沙此必

不欲與公為鄰不若先檄希崇取其首然後圖湖南可兼有也言從之希崇畏言即斷都軍判官楊仲敏掌書

記劉光輔牙內指揮使魏師進都押牙黃勛等十餘人

首

斷丁管翻勛梁京翻

遣前辰陽縣令李翊齋送朗州

辰陽地名馬氏置縣

屬辰州宋白曰辰溪縣本漢辰陵縣後漢曰辰陽以縣在辰水之陽也隋改曰辰溪如此則馬氏用後漢縣名

也至則腐敗言與王逵等皆以為非仲敏等首怒責翊

翊惶恐自殺希崇既襲位亦縱酒荒淫為政不公語多

矯妄國人不附初馬希萼入長沙

事見上卷上年十二月

彭師曷

雖免死猶杖背黥為民希崇以為師曷必怨之使送希

萼於衡山實欲師曷殺之師曷曰欲使我為弑君之人

乎奉事逾謹

焉古老翻

丙戌至衡山衡山指揮使廖偃匡圖

之子也

晉天福四年廖匡圖與蠻戰死

與其季父節度巡官匡凝謀曰

吾家世受馬氏恩今希萼長而被黜必不免禍

長知兩翻被彼

義翻盍相與輔之於是帥莊戶及鄉人悉為兵

佃豪家之田而納其

租謂之莊戶帥讀曰率

與師焉共立希萼為衡山王以縣為行府

斷江為柵

斷于管翻江即謂湘江也

編竹為戰艦以師焉為武清節

度使

武清節度使廖偃等自相署置耳

召募徒衆數日至萬餘入州縣

多應之遣判官劉虛已求援于唐徐威等見希崇所為

知必無成又畏朗州衡山之逼恐一朝喪敗俱及禍

息喪

浪翻欲殺希崇以自解希崇微覺之大懼密遣客將范守

牧奉表請兵於唐唐主命邊鎬自袁州將兵萬人西趣

長沙

將即亮翻
趣七喻翻

冬十月辛卯潞州巡檢陳思讓敗北

漢兵於虎亭

賊補道翻虎亭在潞州銅鞮縣九域
志潞州襄垣縣有虎亭鎮虎音斯

唐

邊鎬引兵入醴陵

舊唐書地理志曰漢臨湘縣界有醴
陵後漢立為縣隋廢唐武德四年分

長沙縣置醴陵縣並屬潭州九域志醴陵縣在潭州東
一百六十里范成大行程記袁州萍鄉縣至潭州醴陵

縣兩日
程耳

癸巳楚王希崇遣使犒軍壬寅遣天策府學士

拓拔恒奉牋詣鎬請降恒歎曰吾久不死乃爲小兒送
降狀癸卯希崇帥弟姪迎鎬望塵而拜鎬下馬稱詔勞
之鎬苦到翻帥讀曰率下同勞力到翻甲辰希崇等從鎬入城鎬舍於瀏

陽門樓

劉音留

湖南將吏畢賀鎬皆厚賜之時湖南飢饉

鎬大發馬氏倉粟賑之楚人大悅

馬殷據潭朗傳子希聲希範希廣希萼希

崇至是而亡唐明宗天成三年楚歸吳敗將苗璘許德勳謂之曰待衆駒爭早棧而後湖湘可圖今果如其言

契丹遣彰國節度使蕭禹厥將奚契丹五萬會北漢

兵入寇北漢主自將兵二萬自陰地關寇晉州丁未軍

于城北三面置寨晝夜攻之遊兵至絳州時王晏已離

鎮

離力智翻

王彥超未至巡檢使王萬敢權知晉州與龍捷

都指揮使史彥超虎捷指揮使何徽共拒之

薛史本紀廣順元年

改侍衛馬步軍額馬軍舊稱護聖改為龍捷步軍舊稱護國改為虎捷

史彥超雲州人也

癸丑唐武昌節度使劉仁贍帥戰艦二百取岳州撫

納降附人忘其亡

劉仁贍善將故能為唐堅守壽州

仁贍金之子也

劉金

為楊氏將

唐百官共賀湖南平起居郎高遠曰我乘楚亂取

之甚易

易以鼓翻

觀諸將之才但恐守之難耳遠幽州人也

司徒致仕李建勲曰禍其始於此乎

唐之禍敗後果如二臣所料

唐

主自即位以來未嘗親祠郊廟禮官以為請唐主曰俟天下一家然後告謝及一舉取楚謂諸國指麾可定魏岑侍宴言臣少遊元城樂其風土

少詩照翻樂音洛

俟陛下定

中原乞魏博節度使唐主許之岑趨下拜謝其主驕臣佞如此馬希萼望唐人立已為潭帥而潭人惡希萼

惡烏

路翻共請邊鎬為帥

帥所類翻下同

唐主乃以鎬為武安節度使

為邊鎬為朗兵所逐張本

王峻有故人曰申師厚嘗為兗州牙將

失職飢寒望峻馬拜謂於道會涼州留後折逋嘉施上

表請帥於朝廷

折逋羌族也因以為姓

帝以絕域非人所欲募率

府供奉官願行者

率府謂東宮十率府也

月餘無人應募峻薦師

厚於帝丁巳以師厚為河西節度使唐邊鎬趣馬希

崇帥其族入朝

趣讀曰促帥讀曰率朝直達朝

馬氏聚族相泣欲重賂

鎬奏乞留居長沙鎬微哂曰國家與公家世為仇敵殆

六十年

哂天忍翻唐昭宗光啓三年馬殷從孫儒攻楊行密乾寧三年得湖南自此與江淮為敵國自

光啓三年至是年適六十年

然未嘗敢有意窺公之國今公兄弟鬩

閱困窮自歸若復二三

復扶又翻

恐有不測之憂希崇無以

應十一月辛酉與宗族及將佐千餘人號慟登舟

閏登激翻

聞也狠也戾也詩云兄弟鬩于墻復扶又翻號戶刀翻

送者皆哭響振川谷帝

以北漢契丹之兵猶在晉州甲子以王峻為行營都部

署將兵救之詔諸軍皆受峻節度聽以便宜從事得自

選擇將吏乙丑峻行帝自至城西餞之

大梁城西也

楚靜

江節度副使知桂州馬希隱武穆王殷之少子也楚王

希廣希萼兄弟爭國南漢主以內侍吳懷恩為西北招

討使將兵屯境上伺間密謀進取

少詩照翻伺相吏翻間古覓翻

希廣

遣指揮使彭彥暉將兵屯龍峒以備之

桂州溪南有白龍洞在平地半

上山希萼自衡山遣使以彥暉為桂州都監在城外內巡

檢使判軍府事希隱惡之

惡烏路翻

潛遣人告蒙州刺史許

可瓊可瓊方畏南漢之逼即弃蒙州引兵趣桂州

蒙桂相去

四百餘里趣七箭翻

與彥暉戰於城中彥暉敗奔衡山可瓊留屯

桂州吳懷恩據蒙州進兵侵掠桂管大擾希隱可瓊不

知所為但相與飲酒對泣南漢主遺希隱書

遺唯李翻

言武

穆王奄有全楚富彊安靖五十餘年止由三十五舅三

十舅兄弟尋戈自相魚肉

三十五舅謂希廣三十舅謂希芳漢主龔嬰娶楚王族女故

呼希廣等為舅

舉先人基業北面仇讎

言舉國臣唐也

今聞唐兵已據

長沙竊計桂林繼為所取當朝世為與國重以婚姻

直朝

遙翻重直用翻

覩茲傾危忍不赴救已發大軍水陸俱進當令

相公舅永擁節旄常居方面希隱得書與僚佐議降之

支使潘玄珪以為不可丙寅吳懷恩引兵奄至城下希

隱可瓊帥其衆夜斬關奔全州

九域志桂州北至全州一百六十三里晉高祖

時馬氏改永州之湘源縣為清湘縣置全州本
漢沅陽縣地有洮水在清湘縣北卽讀曰幸桂州遂

潰懷恩因以兵略定宜連梧嚴富昭柳龔象等州唐乾封二

年招致生獠以秦故桂林郡地置
嚴州富州當是置於賀州富川縣南漢始盡有嶺南之

地辛未唐邊鎬遣先鋒指揮使李承戩將兵如衡山

趣馬希萼入朝戩子踐誦趣讀曰促庚辰希萼與將佐士卒萬餘

人自潭州東下王峻留陝州旬日帝以北漢攻晉州

急憂其不守議自將由澤州路與峻會兵救之帝欲自澤州而

西王峻自陝度河而北取潞州而
會于晉州陝失冉翻將卽亮誦且遣使諭峻十二月

戊子朔下詔以三日西征使者至陝峻因使者言於帝

曰晉州城堅未易可拔

易以
政翻

劉崇兵鋒方銳不可力爭

所以駐兵待其氣衰耳非臣怯也陛下新即位不宜輕

動若車駕出汜水則慕容彥超引兵入汴大事去矣帝

聞之自以手提耳曰幾敗吾事

王峻之言出於帝防虞
之所不及而犁然有當

於心故不覺自提其耳
幾居依翻敗補邁翻

庚寅敕罷親征初秦寧節度使

兼中書令慕容彥超聞徐州平

謂鞏廷
美等死

疑懼愈甚乃招

納亡命畜聚新糧潛以書結北漢吏獲其書以聞又遣

人詐為商人求援於唐帝遣通事舍人鄭好謙就申慰

諭與之為誓彥超益不自安屢遣都押牙鄭麟詣闕偽

輸誠款實覘機事

覘丑唐胡又丑魏胡

又獻天平節度使高行周

書其言皆謗毀朝廷與彥超相結之意帝笑曰此彥超

之詐也以書示行周行周上表謝恩

漢初彥超與行周同攻魏因而結隙

且充鄆都藩彥超舉兵恐行周擬其後故偽為其書欲以間之帝反以其書示行周以結其心

既而彥

超反跡益露丙申遣閤門使張凝將兵赴鄆州巡檢以

備之

職官分紀閤門使副掌供奉與朝會游幸大宴及贊引親王宰相百僚蕃客朝見辭糾彈失儀五

代以來多以處武臣
出將使命及總戎旅

庚子王峻至絳州乙巳引兵趣

晉州

趣七
喻翻

晉州南有蒙阮最為險要峻憂北漢兵據之

是日聞前鋒已度蒙阮喜曰吾事濟矣慕容彥超奏

請入朝帝知其詐即許之既而復稱境內多盜未敢離

鎮

復扶又翻
離力智翻

北漢主攻晉州久不克

是年十月庚子
攻晉州至是五

十餘日

會大雪民相聚保山寨野無所掠軍乏食契丹思

歸聞王峻至蒙阮燒營夜遁峻入晉州諸將請亟追之

峻猶豫未決明日乃遣行營馬軍都指揮使仇弘超都

排陳使藥元福左廂排陳使陳思讓康延沼將騎兵追之及於霍邑

九域志霍邑在晉州北一百三十五里

縱兵奮擊北漢兵墜

崖谷死者甚衆霍邑道隘延沼畏懦不急追由是北漢

兵得度藥元福曰劉崇悉發其衆挾胡騎而來志吞晉

絳今氣衰力憊狼狽而遁不乘此翦撲必為後患

僊蒲拜翻

撲普卜翻諸將不欲進王峻復遣使止之

復扶又翻王峻自晉州遣使

遂

還契丹比至晉陽士馬什喪三四

還從宣翻又如字比必利翻喪息浪翻

蕭禹厥恥無功釘大酋長一人於市旬餘而斬之

釘丁定翻

苗慈秋翻
長知兩翻

北漢主始息意於進取北漢土瘠民貧內供

軍國外奉契丹賦繁役重民不聊生逃入周境者甚衆

唐主以鎮南節度使兼中書令宋齊丘為太傅以馬

希萼為江南西道觀察使鎮洪州仍賜爵楚王以馬希

崇為永泰節度使鎮舒州

唐蓋置永泰軍於舒州

湖南將吏位高

者拜刺史將軍卿監卑者以次拜官唐主嘉廖偃彭師

嵩之忠以偃為左殿直軍使萊州刺史

萊州屬周境廖偃遙領耳

師

嵩為殿直都虞候賜予甚厚

予讀曰與

湖南刺史皆入朝於

唐永州刺史王贇獨後至唐主毒殺之南漢主遣內

侍省丞潘崇徹

唐內侍省有監有少監未嘗有丞此南漢創置也

將軍謝貫將

兵攻郴州唐邊鎬發兵救之崇徹敗唐兵於義章

郴州五林胡

宋白曰郴州漢郴縣隋置郴州敗補遺翻隋末蕭銑分郴置義章縣唐屬郴州九域志在州南八十五里宋朝避太宗潛藩舊名改曰宜章宋白曰縣北臨章水遂取郴州邊鎬請除全道二

州刺史以備南漢丙辰唐主以廖偃為道州刺史以黑

雲指揮使張巖知全州

全道二州與南漢賀昭桂三州接界

是歲唐主以

安化節度使鄱陽王王延政為山南西道節度使

興元山南

西道屬蜀唐使
王延政遙領耳

更賜爵光山王

更工儉翻王延政之先
本光山人故以爵之

初蒙城鎮將咸師朗將部兵降唐

見二百八十八卷漢
乾祐二年將即亮翻

唐主以其兵為奉節都從邊鎬平湖南唐悉收湖南金
帛珍玩倉粟乃至舟艦亭館花果之美者皆徙於金陵
遣都官郎中楊繼勲等收湖南租賦以贍戍兵繼勲等
務為苛刻湖南人失望行營糧料使王紹顏減士卒糧
賜奉節指揮使孫朗曹進怒曰昔吾從咸公降唐唐待
我豈如今日湖南將士之厚哉今有功不增祿賜又減

之不如殺紹顏及鎬據湖南歸中原富貴可圖也

二年春正月庚申夜孫朗曹進帥其徒作亂

帥讀曰率

束藁潛燒

府門火不然邊鎬覺之出兵格鬪且命鳴鼓角朗進等

以為將曉斬關奔朗州王達問朗曰吾昔從武穆王與

淮南戰屢捷

馬殷謚武穆王

淮南兵易與耳

易以鼓翻

今欲以朗州

之衆復取湖南可乎朗曰朗在金陵數年備見其政事

朝無賢臣軍無良將忠佞無別賞罰不當

朝直遙翻將即亮翻別彼

列翻當丁浪翻

如此得國存幸矣何暇兼人朗請為公前驅取

湖南如拾芥耳達悅厚遇之

為于偽翻王達等本有圖湖南之志於此達決

壬戌發開封府民夫五萬修大梁城旬日而罷慕容

彥超發鄉兵入城引泗水注壕中為戰守之備又多以

旗幟授諸鎮將令募羣盜剽掠鄰境

幟昌志翻剽匹妙翻

所在奏

其反狀甲子赦沂密二州不復隸秦寧軍

先拔其巡屬以弱慕容彥

超復拔又翻

以待衛步軍都指揮使昭武節度使曹英為都

部署討彥超

昭武軍利州屬蜀曹英遙領耳

齊州防禦使史延超為副

部署皇城使河內向訓為都監

向姓也本自有殷宋文公文子向文旰旰孫成

以王父字為氏余按春秋左氏傳向戌宋桓公之後向式亮翻監古街翻

陳州防禦使藥元

福為行營馬部都虞侯帝以元福宿將

藥元福歷事唐漢晉為將有功

將即亮翻

命英訓無得以軍禮見之二人皆父事之唐主發

兵五千軍於下邳以援彥超聞周兵將至退屯沭陽

下邳

縣屬徐州東南至沭陽縣百里劉昫曰沭陽漢廩丘縣後魏改曰沭陽唐屬海州九域志在海州西南一百八

十里杜祐曰海州沭陽縣漢原丘縣地梁置潼陽郡沭食韋翻

徐州巡檢使張令彬擊

之大破唐兵殺溺死者千餘人獲其將燕敬權

燕於資翻初

彥超以周室新造謂其易搖

易以政翻

故北召北漢及契丹

南誘唐人使侵邊鄙冀朝廷奔命不暇然後乘間而動

誘音酉間古覓翻

及北漢契丹自晉州北走唐兵敗於沐陽彥

超之勢遂沮

沮在呂翻

永興節度使李洪信自以漢室近親

心不自安

洪信漢李太后之羣從也

城中兵不滿千人王峻在陝以

救晉州為名發其徒數百及北漢兵遁去遣禁兵千餘

人戍長安洪信懼遂入朝壬申王峻自晉州還入見

還從宣翻又如字見賢通翻

曹英等至兗州設長圍慕容彥超屢

出戰藥元福皆擊敗之

敗補邁翻

彥超不敢出十餘日長圍

合遂進攻初彥超將反判官崔周度諫曰魯詩書之國
自伯禽以來不能霸諸侯然以禮義守之可以長世公
於國家非有私憾胡為目疑況主上開諭勤至苟撤備
歸誠則坐享太山之安矣獨不見杜中令安襄陽李河
中竟何所成乎

杜中令謂杜重威安襄陽謂安從進李
河中謂李守貞皆以反而敗死事並見

前紀彥超怒及官軍圍城彥超括士民之財以贍軍坐匿

財死者甚衆前陝州司馬閻弘魯寶之子也

閻寶背梁
歸唐歷節

鎮畏彥超之暴傾家為獻彥超猶以為有所匿命周度

索其家

索山客

周度謂弘魯曰君之死生繫財之豐約宜

無所愛弘魯泣拜其妻妾曰悉出所有以救吾死皆曰

竭矣周度以白彥超彥超不信收弘魯夫妻繫獄有乳

母於泥中掇得金纏臂獻之冀以贖其主

掇蒲溝翻以手爬土也

彥超曰所匿必猶多榜掠弘魯夫妻肉潰而死以周度

為阿庇斬於市

北漢遣兵寇府州防禦使折德宸敗

之

賊補遺

殺二千餘人二月庚子德宸奏攻拔北漢寄嵐

軍以兵戍之

舊唐書地理志曰嵐州嵐谷縣舊寄嵐軍也在嵐州宜芳縣北界長安二年分宜芳

於奇嵐舊軍置嵐谷縣神龍二年廢縣置軍開元十二年復置縣此蓋後唐復置軍也九域志奇嵐軍治嵐谷縣南至嵐州九十里奇枯我朝

甲辰帝釋燕敬權等使歸唐謂唐主

曰叛臣天下所共疾也不意唐主助之得無非計乎唐

主大慙先所得中國人皆禮而歸之唐之言事者猶獻

取中原之策中書舍人韓熙載曰郭氏有國雖淺為治

已固

治直吏翻

我兵輕動必有害無益唐自烈祖以來

唐主昇廟

號烈祖

常遣使泛海與契丹相結欲與之共制中國更相

饋遺

更工衛翻遺唯季翻

約為兄弟然契丹利其貨徒以虛語往

來實不為唐用也唐主好文學

好呼到翻

故熙載與馮延巳

延魯江文蔚潘佑徐鉉之徒皆至美官佑幽州人也

蔚紆

勿翻當時唐之文雅於諸國為盛然未嘗設科舉多因上

書言事拜官至是始命翰林學士江文蔚知貢舉進士

廬陵王克貞等三人及第

廬陵漢縣唐帶吉州蔚紆勿翻

唐主問文蔚

卿取士何如前朝對曰前朝公舉私謁相半臣專任至

公耳唐主悅中書舍人張緯前朝登第聞而銜之時執

政皆不由科第相與沮毀竟罷貢舉

南唐罷貢舉時中國未嘗罷貢

舉也 三月戊辰以內客省使恩州團練使晉陽鄭仁誨

為樞密副使

按是時中國無恩州此即南漢之恩州也鄭仁誨遙領團練使耳宋慶厯八年平王

則改貝州為恩州始以嶺南之恩州為南恩州以別之

甲戌改威勝軍曰武勝

軍

舊以鄧州為威勝軍今避上名而改之

唐主以太弟太保昭義節度

使馮延巳為左僕射前鎮海節度使徐景運為中書侍

郎及右僕射孫晟皆同平章事既宣制戶部尚書常夢

錫衆中大言曰白麻甚佳但不及江文蔚疏耳

江文蔚疏見二

百八十七卷漢天福十二年

晟素輕延巳謂人曰金盃玉盃乃貯狗

矢乎

盜烏管翻
貯丁呂翻

延巳言於唐主曰陛下躬親庶務故宰

相不得盡其才此治道所以未成也

治直吏翻

唐主乃悉以

政事委之秦可而已既而延巳不能勤事文書皆仰成

胥史

仰牛向翻

軍旅則委之邊將項之事並不治唐主乃復

自覽之

復扶又翻

大理卿蕭儼惡延巳為人數上疏攻之會

儼坐失人人死罪

惡烏路翻數所角翻上時掌
翻誤入人死罪謂之失入

鍾謨李

德明輩必欲殺之延巳曰儼誤殺一婦人諸君以為當

死儼九卿也可誤殺乎獨上言儼素有直聲今所坐已

會赦宜從寬宥儼由是得免人亦以此多之景運尋罷

為太子少傅

按唐既置太弟官屬不應復有太子少傅當考

夏四月丙戌朔

日有食之帝以曹英等攻兗州久未克乙卯下詔親

征以李穀權東京留守兼判開封府鄭仁誨權大內都

巡檢又以侍衛馬軍都指揮使郭崇充在京都巡檢

唐主既克湖南遣其將李建期屯益陽以圖朗州以知

全州張巒兼桂州招討使以圖桂州久之未有功唐主

謂馮延巳孫晟曰楚人求息肩於我

言湖南之人苦其主之虐政暴斂而

求息肩於唐

我未有撫其瘡痍而虐用其力非所以副來蘇

之望

書曰后來其蘇言楚人望唐之休息而唐又興兵伐以疲之非所以副其望使唐主言而能行不搖

於衆口烏有他日之敗乎

吾欲罷桂林之役斂益陽之戍以旌節授

劉言何如晟以為宜然

宜然猶言宜如此也

延巳曰吾出偏將舉

湖南遠近震驚一旦三分喪二

得潭而失朗桂故謂之三分喪二喪息浪翻

人將輕我請委邊將察其形勢唐主乃遣統軍使侯訓

將兵五千自吉州路趣全州

趙七喻翻

與張巖合兵攻桂州

南漢伏兵於山谷巖等始至城下罷乏

罷請曰疲

伏兵四起

城中出兵夾擊之唐兵大敗訓死蠻收散卒數百奔歸

全州 五月庚申帝發大梁戊辰至兗州己巳帝使人

招諭慕容彥超城上人語不遜庚午命諸軍進攻先是

術者給彥超云鎮星行至角亢角亢兗州之分

先志薦
翻鎮星

土星也亢苦郎
翻分扶間翻

其下有福彥超乃立祠而禱之令民間

皆立黃幡

土色黃彥超今立幡以從其色人心
悅則天意得人有離心厭勝何益

彥超性

貪吝官軍攻城急猶瘞藏珍寶

瘞於
計翻

由是人無鬪志將

卒相繼有出降者乙亥官軍克城彥超方禱鎮星祠帥

衆力戰

帥讀曰率

不勝乃焚鎮星祠與妻赴井死子繼勲出

走追獲殺之官軍大掠城中死者近萬人

近其新翻

初彥超

將反募羣盜置帳下至者二千餘人皆山林獷悍

獷古猛翻

悍庚肝翻又下罕翻

竟不為用帝欲悉誅兖州將吏翰林學士竇

儀見馮道范質與之共白帝曰彼皆脅從耳乃赦之丁

丑以端明殿學士顏衍權知兖州事

衍苦旱翻又苦肝翻

赦兖州

管內彥超黨逃匿者期一月聽自首

首式又翻

前已伏誅者

赦其親戚癸未降泰寧軍為防禦州

以慕容彥超據兖州拒命降節鎮為

防禦州

唐司徒致仕李建勳卒且死戒其家人曰時事

如此吾得良死幸矣勿封土立碑聽人耕種於其上免

為他日開發之標及江南之亡也

謂宋平金陵時

諸貴人高大

之冢無不發者惟建勳冢莫知其處

李建勳知國事之日非而骸骨得保

其藏可不謂智乎

六月乙酉朔帝如曲阜謂孔子祠

昔少皞氏自窮

桑而徙曲阜魯侯伯禽所宅少皞氏之墟也應劭曰曲阜在魯城中委曲長七八里劉向曰曲阜有闕里孔子

所居後人立孔子祠自唐以來兗州治瑕丘而曲阜為屬縣九域志在州東四十里宋大中祥符五年改曲阜

為仙源縣

既奠將拜左右曰孔子陪臣也不當以天子拜之

帝曰孔子百世帝王之師敢不敬乎遂拜之又拜孔子

墓命葺孔子祠禁孔林樵採

孔子廟在曲阜城西南隅闕里孔子墓在曲阜城北

泗水上去城一里葬地蓋一頃墳南北十步東西十三步高一丈二尺前有甓甃為祠壇方六尺與地平塋中異木以百數皆諸弟子自四方致之植於塋中魯人莫之識也訪孔子顏淵之後以為

曲阜令及主簿丙戌帝發兗州 乙未吳越順德太夫

人吳氏卒 丁酉蜀大水入成都

秦時蜀守李冰穿二江成都中皆可行舟

郡縣志曰李冰鑿離澤又開二渠由永康過新繁入成都謂之外江又一渠由永康過郫入成都謂之內江高駉未築羅城內外江皆從城西入自駉築城遂從西北作廉東堰外江遠城北而東注於合江內江循城南而

與外水俱注江江自西來
其地勢高所以有水患

漂沒千餘家溺死五千餘人

壞太廟四室

壞音怪

戊戌蜀大赦賑水災之家 己亥帝

至大梁

自兗州還至大梁

朔方節度使兼中書令陳留王馮

暉卒其子牙內都虞侯繼業殺其兄繼勲自知軍府事

太子賓客李濤之弟澣在契丹為勤政殿學士與幽

州節度使蕭海真善海真契丹主兀欲之妻弟也澣說

海真內附海真欣然許之澣因定州謀者田重霸齎絹

表以聞

說式芮翻謀達
協翻重直龍翻

且與濤書言契丹主童駮

駮五駮翻

癡也專事宴遊無遠志非前人之比前人謂阿保機德光等朝廷若

能用兵必克不然與和必得二者皆利於速度其情勢

它日終不能力助河東者也度徒洛翻河東謂北漢壬寅重霸至

大梁會中國多事不果從北不得燕雲西不得河鄆靈夏宋人以為千古之恨觀溫

公書此事則元祐初弃米脂等四寨知中國之力不足也辛亥以馮繼業為朔方

留後樞密使王峻性輕躁多計數好權利喜人附已

躁則到翻好呼自以天下為已任每言事帝從之則喜

或時未允輒愠懟懟於運翻往往發不遜語帝以其故

懟直類翻

舊且有佐命功

帝自鄴都入汴以至即位王峻之功為多

又素知其為人每

優容之峻年長於帝帝即位猶以兄呼之或稱其字峻

以是益驕副使鄭仁誨皇城使向訓恩州團練使李重

進皆帝在藩鎮時腹心將佐也

重直龍朔將即亮翻

帝即位稍稍

進用峻心嫉之累表稱疾求解機務以詗帝意

詗古永翻又翻

正帝屢遣左右敦諭峻對使者辭氣亢厲

亢苦浪翻

又遣諸

道節度使書求保證

遠唯李翻

諸道各獻其書帝驚駭久之

復遣左右慰勉令視事

復扶又翻

且曰卿儻不來朕且自往

猶不至帝知樞密直學士陳觀與峻親善令往諭指觀

曰陛下但聲言臨幸其第峻必不敢不來秋七月戊子

峻入朝帝慰勞令視事

勞力到翻為
貶王峻張本

重進滄州人其母

即帝妹福慶長公主也

長知
兩翻

李穀足跌傷右臂

跌徒
結翻

在告月餘帝以穀職業繁劇趣令入朝

在告在假也趣
讀曰促朝直遙

翻下
同

辭以未任趨拜

任音
士

癸巳詔免朝參但令視事

蜀工部尚書判武德軍郭延鈞不禮於監押王承丕承

丕謀作亂辛丑左奉聖都指揮使安次孫欽

安次縣屬
幽州孫欽

本燕人而仕於蜀

當以部兵戍邊往辭承丕承丕邀與俱見府

公

府公謂郭延鈞也公者人之尊稱一府所尊故謂之府公

欽不知其謀從之承丕

至則令左右擊殺延鈞屠其家稱奉詔處置軍府

處昌呂翻

即開府庫賞士卒出繫囚發屯戍將吏畢集欽謂承丕

曰今延鈞已伏辜公宜出詔書以示衆承丕曰我能致

公富貴勿問詔書欽始知承丕反因給曰今內外未安

我請以部兵為公巡察

為于偽朝

即躍馬而出承丕連呼之

不止欽至營曉諭其衆帥以入府攻承丕

帥讀曰率

承丕左

右欲拒戰欽叱之皆弃兵走遂執承丕斬之并其親黨
傳首成都 天平節度使守中書令高行周卒行周有
勇而知義功高而不矜策馬臨敵叱咤風生平居與賓
僚宴集侃侃和易人以是重之

咤涉駕翻易以鼓翻史
言高行周所以能以功

名終 癸卯蜀主遣客省使趙季札如梓州慰撫吏民

新以

經王承丕
之亂也

漢法犯私鹽麴無問多少抵死鄭州民有

以屋稅受鹽於官過州城吏以為私鹽執而殺之其妻

訟寃癸丑始詔犯鹽麴者以斤兩定刑有差

時勅諸色
犯鹽麴所

犯一斤已下至一兩杖八十配役五斤已下
一斤已上徒三年五斤已上重杖一頓處死



資治通鑑卷二百九十



總校官庶吉士臣侍朝

校對官編修臣閔惇大

謄錄貢生臣張健

謄錄貢生臣王樞